



GIUSEPPE CABIZZOSU

BIBLIOTECA

www.giuseppcabizzosu.it

Giovanni Maria Asara

“Limbudu”

(Pattada 18/8/1823 - 19/2/1907)

Poesie scelte



GIUSEPPE CABIZZOSU
BIBLIOTECA
www.giuseppcabizzosu.it

Giovanni Maria Asara

“Limbudu”

(Pattada 19/8/1823 – 19/2/1907)

Poesie scelte
in lingua sarda

Giovanni Maria Asara

“Limbudu”

(Pattada 19/8/1823 – 19/2/1907)

Giovanni Asara Sanna, conosciuto con lo pseudonimo di *Limbudu*, nacque a Pattada il 19 agosto 1823, da Paolo e da Maria Sanna, dove morì il 19 febbraio 1907. Figlio d'arte. La madre era poetessa dialettale molto nota. Considerato uno dei maggiori poeti sardi del XIX secolo.

Di vena facile ed abbondante, autore di una produzione copiosissima e svariata, fu castigatore sottile ed efficace dei costumi.

Partecipò alla vita amministrativa del suo paese per oltre 25 anni come consigliere e assessore comunale.

Fu creatore dell'undighina, stroffa di undici versi, settenari ed endecasillabi, che trovò fortuna in tutta la Sardegna.

Sarto, il soprannome ne indicò pienamente il suo temperamento venne più volte diffidato dalle autorità religiose dal comporre poesie nelle quali raccontava e commentava in lunghissime composizioni i fatti e le persone del suo tempo.

Su barantinu

Che in su carasegare
semus in su barantinu
a chiterra e a violinu
a b'at unu disaogu.
Ue est Luisi Delogu
ballos a moda de Sosso;
inie sorres Alosso
chi nde pesan s'ottina,
poi Arcada Sabina
-est a bider lezeresa!-
chi si alciat e si pesat
fin'a toccare su petzu;
si Giuanne Pitzente 'etzu
resuscitat pro un'ora
e che vidiat a Santora
ballende a s'imbrunca imbrunca,
e fattende sa mazunca
e si seit, e si colcat,
s'arritzat, faghet sa polca
chi pro vider su ballonzu
a s'intunda, hena lionzu,
a muncarolu a luttadu,
e Luisi iscappottadu
in maglia fatta a ferrittu,
ei s'ampulla de litru
ilboidada piena,
poi faghen s'iscena
a sa moda de Ottieri;
e tando Antoni Lezzeri
faghet su ballu truvadu
chin sa fiza de Amadu
de Luisi sa connada
coment'est attundatzada
est a la 'ider ballende,
ei su faltzaru fatende
chena mover anca;
sae Tzitzu Bellu Manca;
cussa paret un'ambidda;
ancora sae Ischintidda
est de sas chi bei brinchet
ma a tottu passat e binchet
Santora, si la vidides;
saltos cantos cherides
chi non c'at bai pisedda;
est manna ma minoreda
paret,ca est cuadrada.
Si fit istadu in Pattada
ancora Pascualinu,
ca est omine mascinu

e at isticca chi ifferchit, no est chei sa de Cherchi
chei su duttore de Mores;
nademi sorres Duttore:
non bi an divertidu?
A Lella in luttu c'appo vidu
però Lugrescia est allegra
chi appan appidu refrega
gasi assumancu appo intesu;
in s'apposentu de mesu
non an cherfidu ballare;
cosa manna an a pessare
custu solu b'est istadu,
cantu tempus ilviàdu
Luisi, e canta mattana!
Si su ballu in conca ch'ana
cheret bene gratuidu,
ca bi at tempus perdidu
chi solu mancu in tres meses.
Cussa mi fichen in pese
su puntu chi b'at ficadu,
como c'aiat comintzadu
e che li dat a beranu,
giuillade Ruffianu
chi gia creu chi chend'appat;
no est maccu chie pappat
su maccu est chie apparitzat.
Luisi gai s'arritzat
e torrat a fraigare,
ca custu at a lucrare
pius de s'arte de cosire,
ca cantas a divertire
bi nd'at andadu e andende,
donzunu l'at dadu e dende
abbrissios e regalos,
e cumbidos e isciallos
bei faghen donzi die.
Luisi ch'idet chi gasìe
est bene gratificadu,
l'at e impignu leadu
e c'at in conca sa grima;
chi a su mancu a sa prima
siat anzena o parente,
faghet ottenner appatente
e cheret icommittere,
che deven resessire
si menzus non assunessi
contra Santora mantessi
mastros de dassa e de ballu;
sa tatza de su cristallu
s'issa si ponet in testa
piena de abba restat
e donzi guttiu b' istat.

E a la vider a vista
bos giuro e creidemilu,
ch'est simile pianta e pilu
sa trusa de Giampaulu,
chi su propriu dialu
paret chi l'at triulada,
e dassende est una fada,
massimu a ballu trincadu
cun su pettus aupadu
chi non c'at bai ajana,
chin sas iscarpas de grana
chi l'at regaladu Basciu,
e unu loru de casciu
chi si li ponet in pes;
dassende a ballu de tres
sa fiza de colciu Giurru,
lezera cont'unu furru
e nette chei su ludu,
chindunu fiancu nudu
ei s'ateru iscobertu,
sempre a sacrariu abertu
dende a bider a peddone
chin sa panza che saccone
e totta a bultzas trazende,
chin su sumene pendende
comente porcu vedustu,
Anna Perra in imbustu
chin s'apertura in costazos
abbuttonadu cun sazos
e tottu in palas a buscias
brincat, si girat che luscia
andat e torrat che ispola:
chin sos frisos ola-ola
che conca ispiridada,
e tottu istrintzillerada
che mascara a beffe vestida,
chin sa gunnedda ildrijida
dae chintu fina a cambas;
sas titas o una o ambas
a su brincu che sun fora,
chi paret ottora-ottora
pedende a Deus giustiscia,
si troddiat o si pisciat
de cantu venit istracca;
non solu chie est affacca
podet restare impestadu,
ma pudet su bighinadu
e totta cussa incontrada.
Luisi a sa troveddada
ch'intendet de sa muzere,
abistu e che bonu mere
de attividade manna,

luego abberit sa gianna
pro ch'essire su fiagu,
ca s'uppare no est pagu
ispampinat su balcone,
postu a tzimiterrone
e cun su fusile grande,
non siat chei bi nd'andet
calecunu chena lissentzia,
a intrare a prepotenzia
chena esser assotziadu,
comente l'an cossizadu
Tabarru e Mimmia frade,
chi non diat libertade
detzi sos chi sun in lista,
e Nanni Seche registrat
cantu b'intrat e bi essit
donzunu a su chi mesessit
at s'impiegu adattadu,
sas cosas an ordinzadu
in modu chi non b'at male.
Barore Anzelu Canale
paret su pische de ispada,
ma est a Sabina Arcada
sa pius ch'isse proteggit;
l'avvertet e la curregit
si faghet ballende errore,
e li frobit su suore
cun su muncaloru nou;
la pulit e gustu sou
tottu pro more de Ciddoi,
li narat a Doddoloi
non che collas reffriada,
ista cuverrenada
e in s'apozu ti pone;
li ghattat su cappottone
la galentit e cumpianghet.
Ciddoi tando che faghet
cantu sa domo sas palas,
cumintzana a oromalas
sorres Alosso Fiores,
a frastimos e clamores
de sa ettia crebende
fattende ficcas e nende:
Sabina, culu de mola,
preferida est issa sola
sas atteras no est nudda!
s'idet chi est issa sa pudda
chi Barore Anzelu ispumat,
mancari chi si presumat
no est in nudda menzusu,
ca dae menzus pertusu
de nois no est bessida

ne ballat pius pulida
Sabina cristas de gattu,
ne balanzat in su trattu
ne in bellesa superada;
edducas chi si preferada
non diat esser rejone,
ma tottue passiones
si faghene como, e si usana;
custu, luego lu accusana
a Luisi in su foghile
e li narana: fradile
nois non semus cuntentas,
e li faghimus lamentas
pro ch'idas chi non seremus
cantu a Sabina gia semus
de cumparrre in teatru,
e nesciunu nos at fattu
mancuna tesa de manu;
pro venner deosi invanu
istamus in domo nostra.
Gia venit sa parte vostra,
nesit Luisi a sa cheiscia;
bisonzat tenner pasceiscia
gia c'at tempus ancora,
a fagher tottu in un'ora
non si podet abbastare;
tottu che dezis passare
sa mala chei sa bona;
si Barore Anzelu donat
a Sabina sos carignos,
diversamente dissigno
si non mi venit sa morte:
bos fatto tirare a sorte
a usu de istallones,
e brigas e chistiones
fatto tzessare a mamentu,
essende in custu argumentu
bonu frade venit Mimmia.
Itt'est custa disania
-neit- ei su cuntrastu?
-Sorrastras mias su bastu
no ana-nesit Luisi-;
e custu su pisi-pisi
e totta sa cuntierra.-

Pro cussu chi c'appat gherra,
-nesit Mimmia- non creo,
de vois mi nde obbligo deo
de non restare a s'assegus:
pesade, aiòzi cun megus,
e tue Luisi ispetta.
Las leat a s'abbratzetta

las mintet a butteghinu,
li narat: -cherides vinu
rosoliu o abardente?
caffè o birra o comente
bos gustat, o menzus faghide,
sos chi bos piaghet biide
a contu meu buffade.
E subitu in veridade
ambas sorres Alesseddas
si fattein che porcheddas
de su tottu atzoroddadas.
Tando las at gioghittadas
sa manna ei sa minore;
lis passat su malumore
ei sa malinconia.
Intran in belosia
Ainza Amada e Santora,
chi ch'essin ambas a fora
frimmadas che criaduras.
Mala pasca itte fatturas
una e attera narana;
a nois de tottu in gana
nos lassan a iscalmentu!
Itte bellu trattamentu
chi non nos chircat nesciunu;
dialu cantu sunu.
Viles canes traitores,
pro duos iscoadores
sa peus arga de vidda,
eo de domo pobidda
crebende nei Santora,
e tue che deo ancora
proitte semus connadas?
De tottu a bula lassadas
nos an, però bonu proe;
si mi agatto otto a oe
pro sa vista c'appo vidu,
-cantu m'intret un'ispidu

chi mi trapasset su coro!-
solu pro su modu insoro
cantu chei nd'intrat in domo,
mai su fagher de como
innoghe che fit costadu.
Ahi su gustu leadu
sa dominiga passada,
eà una istrattolzada
sa chi mi deit Tabarru;
totta che via de carru
mi fatteit subra e sutta,
no pasemus un'iscutta
e ti lu giuro sorre,

-deai a Deus bi lu torret
de una pius che chentu-
comente at in pensamentu
bi lu prego ca cumbenit.
Pro sorte Nanni Secche venit
sende in custu arregonzu.
Lis narat: itte est s'istonzu
chi in sa garrera faghides?
Proitte non divertides
cantu fora bos nd'istades?
-Deai gia nos lassades
-nesin ambas connadinas-
nois non semus feminas
de gighere a durundellas;
cussu a zovanas bellas
comente a sorres Alosso,
ca sun licanzos mossos
perfiladas e piseddas,
e Arcada Sabinedda
e ateras chi non namus.
Ma nois pagu giuamus
ne semus de pretziare.
Bos appo nadu a intrare
- neit Nanni Seche tando-
e no istedas a cando
chi deo non bond'isenìo;
aiozi e pro vois m'inzenìo
a tottu cuddu chi poto.
Intana e dassas sett'otto
fattein indunu domine,
pustis cumpridu che omine
isteit puntuale, che donnu

frade uguale
a bier che las at missas.
Da chi cuntentas sun issas
pro sos de Nanni favores,
accò a sorres Duttore
frimmadas atteretantu
chi mai s'at vidu ispantu
limba uguale a Lugreiscia.
-Milla a Bainza pudescia
anchittas de tribidedda
a trappaditta poledda!
-neit a Bainza Amada-;
sa culumbita impreddada
chie puru at fattu presa;
una padedda Bantinesa
Nanni Seche at preferidu,
de sos de fagher cumbidu
gia fist ai si in su chelu;
torrabi e leadindelu

e faghelu attera bia,
bastu chi deo che sia
gia intriglimus a pare;
e Lalla nende a cagliare
a sa muda, non miiscannes!
ch'est sa muzere de Giuanne
e cumbenit ch'evitemus;
mancari rejone appemus
bisonzat istare a sa muda,
connada l'est e s'annicat
a limba pius de sette.
-Tzitta, non c'appat un'ette
-nesit Tabarru-cagliade!
Nademi, pitzinnos, nade
una cosa cherzo ischire,
si sezis pro divertire
o venides a brigare,
tottu su carrasegare
non c'at appidu detzi giogu,
e istanotte su logu
cherides fagher a riere?
Ch'est machine o troppu biere
nos at a narrer sa zente,
comente Antoni est prudente
lis faghet cussu riflessu.
Lella tando non s'at ressu

in corpus su chi sentiada,
rejone e nde li avvassada
chi mesanotte colada
fit, e a prove a sa una,
e cariades che pruna
fin finamenta sas bruttas;
e issas de tottu asciuttas
manc'una a si ndan a penare,
e non fit de ajulare
e ne cosa de soffrire,
chi de sas de ispuccire
issas mai fin istadas,
m'antzis bene pretziadas
bi la nesit tunda tunda.
Intesa sa baraunda
venit Antoni Lezzeri
e narat: pitzinnos peri
vido chi sezis mannitos
itte sun custos giannitos
e tanta tzarra chi c'ada?
Lugreiscia che infettada
nd'essit, e narat: -imprese,
emmo, e itte det esser
a ti lu narrer a tie?
a Lella sorre e a mie

nos viden chei s'arga,
a pesses chi est mala garga
custa chi nos c'an missu,
Innanti nos an promissu
chi bastat de venner a bizare
non che diamus torrare
de ogni cosa invuladas;
como semus traccolladas
ca nos an gittu un'ingannu,
che de cantu est duru e mannu
non che bombat su terrinu.
Barore Anzelu est continu
de Sabina a su fiancu,
chena venner mai mancu
da chi l'at iscurigadu.
Tabarru appuntu arrambadu
ne abbrituat ne attuat
che cando c'at un'istatua
non siat chi a nudda giompat.
Ciddoi a puntu s'impompat
fattende a sa sorre galaca

chin Sabina a un'ala
Barore Anzelu s'est dadu.
Mimmia s'at alloradu
ambas sorres Alossitas,
fina a bier l'as at gittas
ch'iscobiadu an su conzu;
poi Nanne Seche Monzu
chin Santora e chin Bainza,
a istripinza-istripinza
sun dae primu sero,
nois zero via zero
e nudda e porto niente.
Tando chi non mi lamente
cheren ch'iste cagliada?
Dialu cantu c'ada
su 'izzadolzu de risu!
-Paret c'appedas abisu
vois rejone bastante
-nesit Lezeri a s'istante-
cussa est zente de malu loru,
pòneche vois a s'oru
deo no isco proite;
bastat chi deo l'avite
in modu fattu -rispondet.
aiozi, pesadebonde,
chi no ch'intramus derettos
a bier pagos cichettos
in butteghinu de mesu.
Sa oghe a Deus an intesu
Lugreiscia e Lella, mischinas!

Si tuccan che puddighinas
fattu a Antoni Pitzente,
b'istan su sufitziente
in separadu fundaju;
nd'essin che rosas de maju
ambas duas allegrittas:
-chi sian beneitas
sas mamidas c'as sutzadu
e passos cantos c'as dadu
- li nesin ambas pijadas-
ca gia nos as sulenadas
gai Deus ti sulenet!!sse

tando si nde tenet
ca nde li torran grascia;
sa matta cantu una cascia
che faghet de s'allegria.
Comintzan a battaria
e a chimentu e a limba
de sa fortza de sa bimba
e de cantu nd'an vidu,
daghi at in corpus buddidu
su chi aian trincadu.
Barore Anzelu est andadu
a duddurare a Sabina;
falat s'est che chijina
e subra Lella ch'ildoat.
Lugrescia tando si proat
a lis fagher s'arritzada,
e cantu fit longa lada
a s'atera ala ch'est rutta;
dada chi l'at dae sutta
Nanni Seche c'appat bene!
Pistu s'an ambos su rene
chi dan in duos s'alenu.
Tabarru forte che fenu
si pessat e si creiat,
mandat ca nachi poniat
isse sa zente in cunsertu,
e subra de Santora fertu
ch'est, e de mala manera.
Luisi chi si nde serat
e videt sa funtzione,
sos ojos che lampiones
gighiat, tottu rujitos;
tuccadu s'est a brinchitos
ca nanchi nde lo pesat;
dada una isterricolzada
ch'est galu a s'arramba-arramba.
Tuccadu s'est, tamba-tamba
Mimmia a nde lu pesare,
no at ue si falare

etzi subra de Bainza Amada,
tottu si l'at carralzada
a s'ildoada c'at dadu
chi punta ne fiadu
de Bainza s'idiat
e mancu bei pariat
ne nde bogat runcu.
Meddaris chei su giuncu
tremiat, postu su passu,

Su 'izadolzu 'e Canemalu

Occo disgrascia manna sutzedida
s'annu presente de su chimbantunu
non costet nen sutzedat a neunu
ne a irroccu lu 'etten bugliende.
Sende pius allegros divertende
in domo 'e Canemalu che in festa
su pius sanu chi bi fit de testa
an prontu a l'ispender procuradu
chi fit signor Istevane giamadu
chi manteniat sa domo in vigore.
Chin dannu, chin birgonza e disonore
bi an causadu sa ruina,
chi tottu cantos, mascios e feminas
lu sunu notte e die pianghende.
Pessa forte, e ancora riflettende
de sa morte ch'at fattu, poverinu!
da-e sa manu de su malandrinu
barbaramente a s' 'ider impiccadu,
e pro sorte a sos gridos chi at bettadu
boghes parian de su purgadoriu;
nende: sorres e fradres, agiutoriu!
cumpassione chi mi su bocchende!
Cantu pius podiana coittende
curren a sos clamores e lamentos;
lassana ballos e divertimentos
daghi che an sos males causadu.
Curren sì, ma l'agattan impiccadu
agonizzante in su petzu pendente,
e 'nde lu falan delicadamente
chin-d-una pius bella attentzione;
e appèit pro sorte confessione
e s'at s'anima sua iscapuladu.
E pustis daghi l'an sacramentadu
nessi pro cherrer morrer pius cuntentu,
cheriat ancora fagher testamentu
pro los lassare tra issos in paghe.
E ancora a issos lis piaghet,
osservan chi fit puntu netzessariu.
Giamana prontamente su notariu,
obbèdini a cant'isse si disizat.
Canemalu cun fizos e cun fizas
an tottu de accordu acconsentidu:
fit una testa de sanu sentidu
chin signales de anima innotzente

S'imbrogliu

Su mundu est totu un'imbrogliu
Dae cando 'istadu est fattu,
S'intreran da ogni latu
A faghene isperimentu,
Pustis tantu osservamentu
Tes benner donz'unu accertadu,
Chi est in s'iscogliu intradu
Chie ruet in s'iscogliu,
Su mundu est totu un'imbrogliu.

Su mundu est totu ingannia
E proas nde sun sos dannos,
Minores siana o mannos
Usan sa traitoria,
In sa 'etza e pitzinnia
Sunu in s'errore ingolfados,
Ca sende e terra impastados,
Fragile ogn'unu est 'istadu.
Chi est in...

Su mundu in consequentzia
Est de ingannos pienu
Custu, pro aere s'anzenu
Bendet onore e cussentzia
Cuddu ch'in s'esperientzia
Bidimus non crede in Deu;
Custu pr'ottenner un impreu
Operat che intregadu.
Chi est in...

Su mundu 'istadu est asie
Comintzadu e de finire,
Cert'unos pro arricchiere
Trampan'a notte e a die,
Oe a mie e crasa a tie
Pustis a un'atter'unu,
Chentz'esser non b'at nisciunu
Ingannadore e ingannadu.
Chi est in...

Andamos a osservare
Sas cosas a una una,
Cuddu in benes de fortuna
Riccu, pro accumulare,
Siendas a subra e pare
Pro ingrandire s'erede,
Defraudan sa mercede,
A cuddos ch'an trabagliadu.
Chi est in...

Lemus cun attentzione

Sas cosas a viceversa,
Poi cuddos chi an diversa
E bascia cundissione
Ch'ana una professione
Pro vivere e pro campare,
E temus prestu incontrare
Ingannos in ogni gradu.
Chi est in...

S'isperimentu ogni istante
Nos mustrat e assegurat
Comente su riccu furat
Pro 'enner pius ben'istante,
Ancora su trabagliante
Serving sa zoronada,
Non la rende cumpensada
Comente nd'est obligadu.
Chi est in...

Ch'est totu su mundu errore
Naro e mi nde fatto bonu,
Comente cuddu padronu
Non pagat su servidore,
Si su trabagliadore
Non soddisfaghet su mere,
Est giustu chi ogn'unu nere
Est tramposu e-d'est trampadu.
Chi est in...

In totu sas facultades
E publicos impiegos,
Lu 'iden finas sos tzegos
Chi custas sun veridades,
Ch'imboligos b'incontrades
Ingannos e pasticcios
Pro s'interessu e capriccios
Donz'unu a su mal'est dadu.
Chi est in...

Chena sos facultativos
Proamos ch'in fattos tantos,
Chi ancora mai cantos
De sos amministrativos,
S'ischin fattos positivos
Chi pro s'umana maliscia
S'apan onore e giustiscia
A vile preju barattadu.
Chi est in...

Chie a fine bi pessada,
Mi d'at rejone in cussentzia,
Nos costa ch'in frequentzia
Chi cand'unu si processada,
Sa giustitzia s'interessada

Pro 'ennere a cognissione
S'est rea cudda pessone
De su chi l'ana imputadu.
Chi est in...

A misura chi bisonzos
Sind'ada in sos tribunales,
Be-i sun de-i cuddos tales
Chi servin pro testimonzos,
E presentana filonzos
Bordid'a divescias tramas
Ch'in sas eternas fiamas,
Meritat esser bruiadu.
Chi est in...

Nade pro unu reatu
Non bidimos tantas bias
Sas primas testimonias,
Esponner totu su fattu
Poi faghene retrattu
Totu su nadu 'oltende,
In favore o aggravende
Cuddu poveru accusadu.
Chi est in...

Sa cussentzia s'onore
Totu si ponede a banda,
Fatt'a custos sa dimanda
Prite giamban colore,
Totu de unu tenore
Si servin de-i custa tesi,
Sa prima orta non giuresi
E-i como apo giuradu.
Chi est in...

Fide, onore e caridade
Totu est bénnidu a mancare,
Mancare chena giurare
No amos s'obbligu nade,
De narrer sa veridade
Giusta comente l'ischimos,
Ma sos ingannos bidimos
Ch'an de totu superadu.
Chi est in...

Si male a mie giudicades
Ca deosi m'intendides,
Non sunu cosas ch'idides
Bois matessi e toccades,
Chi pro odium e falsidades
No una, tantas pessones
Ch'ana peri in sas presones
Pulpa e ossos pudrigadu.
Chi est in...

E cantos bi nd'at sufrende
Innotzentes e galantes,
E-i sos pius birbantes
Fattu 'idda passizende,
Ca cando fini istruende
S'issoro causa trista,
Sos testimonzos de vista
Cantu an bidu ana negadu.
Chi est in...

Est fatzile a si cumprendere
Inu'est totu s'intrigu,
Custu pro more e s'amigu
Giurad'in falsu a difendere,
Cuddu ispergiurat pro offendere
Pro servire unu parente,
E cundennan s'innotzente
E assolven s'inculpadu.
Chi est in...

Semper cando s'est intesu
Capitare custas cosas,
Sas caridades pilosas
Si solin'intrare in mesu,
Pro 'ennere unu difesu
Fatt'a male 'occada o furede,
Mancari male si giurede
Naran chi non b'at peccadu.
Chi est in...

Contr'a dogni veridade,
Adduin custa rejone
A unu ch'est in presone,
Bogarend'est caridade
Ancora ch'in faltzidade,
Su chi si giurada sierada,
Sa bon'opera superada
Cantu b'at de malu istadu.
Chi est in...

Ite ingannu manifestana
E de lu faghene non restana,
E cando su faltzu attestana
Pro cundennare un onestu
Si servin de su pretestu
Ch'est costumene connotu,
E Deus perdona totu
Cando de coro est pregadu.
Chi est in...

Podides cunsiderare
Ite dottrina s'imparada,
Cando sa fide nos narada
In faltzu de non giurare,

Nemmancu pro lierare
Cantas nd'ada in purgadoriu,
Cando unu tale ajutoriu
Lis poterat esser dadu.
Chi est in...

Pessende a custos iscuros
B'at de piangher de coro,
Sa morale a mod'issoro
Si faghen sos ispergiuros,
Brincana fossos e muros
Affrontana sos fortinos,
Pojos, rios e trainos
Passan che in tauladu.
Chi est in...

Cando b'at dibattimentu
' Intrade in Corte 'e Assisi,
E tezis bider eclisi
Faghere in unu momentu,
Giurende pius de chentu
Chi cuddu tutt'a protzessu
Est unu vile e cumbessu
Ch'at semper male operadu.
Chi est in...

Retzidos sos de accusa
Intrende sos de difesa,
Giuran bona fama estesa
Chi sa mala 'enidi esclusa,
Ecco totu a sa rinfusa
Faulas e veridade,
Birbantesimu e onestade
Totu a pare est misciadu.
Chi est in...

Non costa custu una 'ia,
Ne una 'orta pro sorte,
Cando presente est sa Corte,
E una illustre giuria,
E usan tanta ingannia
E drammas de faltzidade,
Itt'ada essere pessade
In unu affare privadu.
Chi est in...

S'ingannu pro ingrandire
Curren che caddu de palu,
Sa zente faghet de malu
Cantu podede accadire,
Non pessan restituire
Non ponen frenu a su visciu,
Morte, inferru e giudisciu
E Chelu ana ismentigadu.

Chi est in...

Semper in progresso est su male,
In mannos e piseddina,
Si trampad'a sa ladina
In occultu tale e quale,
Donzi massima infernale
Est de costumene e usu,
Dogni visciu e dogni abusu
Dae ogn'unu est pratigadu.
Chi est in...

Est totu traissione
Lu 'idimus ch'in sos fattos,
No s' 'istad'a sos cuntrattos
Chentza b'aere confusione,
Donz'unu in conclusione
Operat a su revessu;
Sos dinaris, s'interessu
A donzunu ana atzegadu.
Chi est in...

Osservade cuddos tales;
Pro unu prammu e terra,
Sunu tra issos in gherra
Chi paren tantos rivaless,
Sas minettas e signales
S'iscolzan'a borta orta
Curren dae porta in porta
Che unu testi giradu.
Chi est in...

'Istan'andende e torrende
Die e notte e a donz'ora,
In bidda in campagna e fora
Donzunu proas chircende,
Corno a cussu lusinghende
Poi a cuddos minettana,
Ei s'anima si ch' 'etana
In unu saccu isfundadu.
Chi est in...

Si litigat, si cuntrastada,
Manna o no sa purtzione,
Sa terrena passione
Cantas animas guastada,
Ma custu nadu non bàstada,
Pro dimustrare comente
Generale e frequente
S'ingannare est diventadu.
Chi est in...

In dogni professione
Si trattat de ingannare,

Atteros pro negusciare
Lean dinari a cumone,
E sun totta s'istajone
Ch'in sos agentes in rissas.
E rinnovan sas promissas
Fattas cando an comintzadu.
Chi est in...

Pro sas faltzas conquistas
S'innaltzan fin'a sos astros,
Su Matessi sun sos mastros
Ch'in sos issoro apprendistas;
Non si lassan pibiristas
E nemmancu pilu in testa
Gherrende e fattende inchesta
Pro su cuntrattu annoadu.
Chi est in...

De onzi ingannu servidu
S'est unu e s'atteru infattu,
Custu tirannu e ingratu
S'atteru avaru accanidu.
Su mastro su pattuidu
Li negat cando sind'andat,
Su dischente li dimandat
Pius de su cuntrattadu.
Chi est in...

Si non fidi a infadarebos,
Ca est troppu a bos trattenere
Pessones de ogni gennere
Tia poder presentarebos
Pro piusu assicurarebos,
In modu positivissimu,
Ch'est totu veru e giustissimo
S'argumentu presentadu.
Chi est in...

Cantu naro est veridade
Non cherzo esser faularzu,
Tra pastore e cumlnarzu
Est una sotziedade,
A boltas tra frade e frade,
A boltas ch'in dunu anzenu,
E s'incontrat a pienu
S'ingannu matriculadu.
Chi est in...

Pro 'enner su fattu ischidu
De asie s'ispietat
Su cumunarzu li negat
Parte e su ch'an pattuidu,
Su pastore chi s'est bidu
Trattadu in modu tiranu,

Si pagat de sua manu
Pius de su doppiadu.
Chi est in...

Si fidi a los dare iscrittos
Esempios nd'apo a romasu,
Custu in regotu e in casu
Cuddu, duos seddalitos,
Custu chimbe o ses crabitos
Cuddu sett'otto anzoneddos,
Custu otto o deghe porcheddos,
Cudd'atteru unu crastadu.
Chi est in...

Pensadebi a s'assentada
E cumbenides cun megus,
Su cumunarzu a s'assegus
Andada a chircare intrada,
Su pastore a s'isfacciada
Li narat: "s'annada est mala"
Brigan, ch'essin pala pala,
E chie at leadu at leadu.
Chi est in...

Corno bos fatto presente
Si custos sunu de oi,
Itt'amus a narrer poi
De s'isfaccendada zente,
Chi non s'ischit de comente,
Si potan fagher sa vida,
Cando non s'ana in sa chida
Unu soddu trabagliadu.
Chi est in...

Chena posseder niente
Non trabagliana e si campana,
Si non furana o chi trampana,
Osservade attentamente
Chi miraculosamente
Non podet nisciunu 'istare,
E benimos a proare
Ch'est beru cantu apo nadu.
Chi est in...

S'argumentu est giustu e sodu:
O furana o impastufana,
O imbrogliana o trufana
In cale si sia modu,
Isolverlu custu nodu
Si no mai lu podides,
E pro fortza cumbenides
Chi eo no apo erradu.
Chi est in...

De custos fattos palpantes,
Cantos nde cherimos nd'amus,
Si dae poi chircamus
Affaristas e mercantes,
E poi sos angosciantes
De ogni genere connotu
Imboligoso sun totu
E donzunu imboligadu.
Chi est in...

Pro 'ider ch'est in progressu
S'ingannu curret pacificu,
Conto unu fattu ispecificu,
A mie matessi suzessu,
Ancor'eo, e s'interessu
Amante e ambiziosu,
Non naro d'esser tramposu
Ma unu pagu attaccadu.
Chi est in...

De su fattu nd'apo impudu
Ma invanu be-i pesso,
A su publicu cunfesso
Pro m'avitare un'iscudu
Ch'isto finas mesu nudu
D'estimenta isprovvistu,
E pro nde faghene achistu
So a sa buttega andadu.
Chi est in...

B'incontro duos garzones
Chi mancu los connoschia,
Ando a faghene matzonia
E m'incontro cun matzones,
Aggiusto giacca e calzones
Ca non de giughia biculu
E de su Creditu Agriculu
Apo unu biglietto dadu.
Chi est in...

Issos si l'an coglidu
Ne miradu ne connottu,
Bigliette ch'ischides totu
De sa banca chi at fallidu,
Eo chi asi apo 'idu
Apo nadu in mente mia,
Ma una grande valentia
Duos nd'apo coglionadu.
Chi est in...

Mi ch' 'esso lestru e cuntentu,
Che lampu chentza mi arrere,
Allegru che cando aere
Alanzadu iscudos chentu,

Ando a domo e in su momentu,
Pro mi ponner d'etichetta
E pantalone e giachetta
Fi pannu puntu e faladu.
Chi est in...

Devides edducas ischire
Chi l'apesi a vile costu,
Ma mancu mi l'apo postu
Ca sun pinzos de frundire,
Andesi a mi cherrere 'estire
Dende mala moneda,
Ma non b'ana postu meda
A mi lassare ispozzadu.
Chi est in...

Da chi non m'est ressessidu
Andadu so feri feri,
E abbojo unu traperi,
Li naro a m'aer bestidu,
Luego amos patuidu
chentza 'istare tzarra tzarra,
E li do roba e cabarra
Pro m'aer prontu isbrigadu.
Chi est in...

Da chi sa este est cosida
Li nesi: appuntu m'iscies,
In tempus de otto dies,
Nesi: l'as fatta e finida,
Passada ch'est una chida
Andadu si ch'est su mese,
Pius de unu, chimbe e sese,
Corno est un'annu passadu.
Chi est in...

Da chi ch'est passadu s'annu
Giughindemi a s'anda e torra,
Cando chi bi manca forra
Cando chi est pagu su pannu,
Mi at rispostu mannu mannu
Ch'aggiunga roba e peldone,
Ed deo che mammutone
Ch'ana in binza piantadu.
Chi est in...

Appende leadu paura
A cussu cane imbroglieri,
Pagadu apo s'uscieri
Pro l'intimare a pretura;
Trattende cussa misura
Mi lu creia già in manu,
E dae s'istiu a beranu
Chelta chelta so 'istadu.

Chi est in...

Cussu uscieri animale
At fattu su chi l'est parfidu,
Chimbe o ses bias cumparfidu
Non b'est mancu in tribunale
Pro intima fatta male,
No cussignada in persone,
E rejone o non rejone
Semper 'e nou apo pagadu.
Chi est in...

Non bi at apidu isettu
Continu incontrat un'aidu,
Cando si dada a malaidu
E si pone sanu in lettu,
Isse birbante perfettu
De trassas matzone antigu,
Su pretore l'est amigu
E mi lassat appiccadu.
Chi est in...

Sun canes de suttanassu
Totu zente de catena,
Chin proa giusta e piena
Rejone nd'apo e avassu
L'intimo e non move passu
E cosa non nde isbrigana,
Bastu chi de asi sigana,
Menzus bi l'aere lassadu.
Chi est in...

Cantu mi nd'at dadu e dende
Ispendo chena profettu,
Isse tranquillu e chietu
Ed eo tempus perdende,
Che femina chindalende
Un'atzola triulada,
Chi chirca cabu e non b'ada
E si l'ada trobojadu.
Chi est in...

E cantu nd'apo suffridu
Da' isse dies e notte,
Chena unu paju 'e bottes
Chi b'apo a como finidu,
Si apo ancora perdidu
Tempus, ispesa e saludu,
E a pius d'esser nudu
Nde so iscultzu restadu.
Chi est in...

Ingannos e tribulentzia,
Sumende totu amus bidu,

E ancora ressessidu
Non so a nd'aer sententzia,
Sette ortas s'udientzia
Rimandadu at su pretore,
E deo che pedidore
De istratzos barriadu.
Chi est in...

S'incapat no m'at servidu
De mi trappare in merat,
O solu 'istadu esserat
Chi m'at gasie cumpridu
Atteros puru favoridu
M'ana a dolu mannu meu,
Asie los trattet Deu
Comente a mie an trattadu.
Chi est in...

Sos tramposos dae onz'anta
M'an corpadu chena dolu,
Sa gioja de lardajolu
Fia iscultzu a pianta,
Chin fadiga e pena tanta
Buschei calchi sodditu
E m'apo in unu mastrittu
Sas iscarpas comporadu.
Chi est in...

Mi b'iscapo che piseddu
A divertire sa orta,
Bido sos ballos in borta
Sende tando cartzadeddu,
M'intresidi in su cherveddu
Gana 'e 'intrare a ballare,
A su menzus brinchittare
Unu taccone est boladu.
Chi est in...

Capitadu su disastru
A su brincu e primu inniju,
Lu collo e fi de ortiju
Postu a punzas de ozastru,
Torradu so a su mastro
Li rinfaccio su coglionu,
L'apo fattu pro su bonu
A narrer s'est azzardadu.
Chi est in...

Est ch'as brincadu cun briu
Mi nesi ca portas rene,
Ma abbaidadilu 'ene
Coment'est de sempreviu,
Forte che pedra e riu
Postu a custas puntziteddas,

Pro segundu soligheddas
Durat tempus doppiadu.
Chi est in...

Daghi s'irnbrogliu connottu
Apo e bidu de seguru,
Osservo s'atteru puru
E fi che-i cuddu etotu,
Sos fundos che pane cotu
Carcanziles e runcales,
Che matta de cabidales
Totu cantu m'est andadu.
Chi est in...

Male trattadu non fia,
Nesit cun tantu 'e sanna,
Lendesì sa parte manna
Isse pius de sa mia,
Sa brutta impasticeria
Andaiat a negare,
In cussu carrasegare
Già 'istesì fortunadu.
Chi est in...

No 'istesit cussa sola
Sa disgrazia de sa 'ia,
Nadu apo a muzere mia
Faghennos carchi frisciola
Sartaina e casciarola
Nesit: falan che chiliru,
E unu colpu 'e suspiru
Fizos mios an bettadu.
Chi est in...

Eo nd'apesi unu dolu
E gana ancora, no nego,
E nadu l'apo luego
Giama unu ramajolu,
Casciarola e labiolu
E saltaina li dae,
Prestu eretta anda e bae
Chi cherzo tottu arrangiadu.
Chi est in...

Chentza mancu lu mandare
Torresit cun'isse infattu,
Prima de fagher su pattu
A cuncordia 'e pare,
Mi faghet tottu osservare
Sos guastos e los miro,
A su tira chi ti tiro
Tres francos apo aggiustadu.
Chi est in...

Custu fidi a su manzanu
Chi cuntrattemus gasie,
Sa die infattu a mesudie
Mi nd'enit cun totu in manu,
Tres francos a sinnu sanu
Li desi su pattuidu,
Lu cumbido e si nd'at bidu
Pius de litru passadu.
Chi est in...

Appenas chi a lontanu
Bidesin su ramanaju,
Fizos mios de su aju
Totu a tzocchitos de manu,
Che puzoneddos d'eranu
Allegros che una pramma,
Sas cattas nos faghet mamma
Luego totu an gridadu.
Chi est in

Friscos che una lattuca
Arzillos e a brinchitos,
Printzipian sos mannitos
Si la faghiana in bucca,
M'a su trambucca trambucca
Sos tramposos mi ana gittu
Chi minde ponet su frittu
Descrìer su capitadu.
Chi est in...

A lu narrer pare giogu
Daghi sas cosas sun fattas,
Posta pro fagher sas cattas
Sa saltaina in su fogu,
Fala s'ozu in dogni logu
S'atzendet tota sa domo,
Chi pro tando nde so como
Mes'abbauccadu restadu.
Chi est in...

De 'ortare sos cherveddos
Si nd'aiat pro paura,
Eo chin totta premura
M'abbratzei sos piseddos,
Che los frundo che catteddos
D'onzunu in mesu e carrera,
E Cun abba arte e manera,
N'amus su fogu istudadu.
Chi est in...

S'incappat no m'est costada,
Sa trampadura dei custu,
Muzere mia e s'assustu
Conta mesu vaccillada,

Fiza mia est che leada
E deo che conchi cottu
E-i sos mascrittos totu,
D'onzunu attambainadu.
Chi est in...

Già mi nd'an dadu 'e attaccos
Sos tramposos bonu proe,
A domo pro b'intrar'oe
Pared'ispidale e maccos,
Podiat faghene intaccos
In sa rocca pius dura,
Nudda istesit s'apprettura
Cudda de ch'essire usciadu.
Chi est in...

Ma una non de 'idemus
De astrinta s'occajone,
Mortu nde su fogarone
Comente male potemus,
Cli'in sa femina osservemus
E ch'in sas solitas trampas,
Fin tuppadas sas'istampa
Tottu a pane mastigadu.
Chi est in...

Già mi nd'at postu 'e affannos
Cussu iscontza labiolu,
Bastada un ingannu solu
Pro nd'aer chentu malannos
Intesu azis sos dannos
Sutzessos in domo mia,
E non sun cussas ebbia
Sas truffas chi m'an pigadu.
Chi est in...

E cantos atteros b'ada
In domo dolos arreu,
Pro pius castigu meu
A cussa fiza colpada,
Occannu che l'est 'intrada
Una errina in su cherveddu,
Buttons d'oro e aneddu
Chi l'aere comporadu.
Chi est in...

Lu conto ma non piaghet
A lu narrer mancu a mie,
Ca de s'assustu est asie
Comente Deus nde faghet,
Sas maneras chi s'appaghet,
Uso e fatto troppu peri
E ando a unu prateri
E orofice fidadu.

Chi est in...

Appenas m'at bidu 'intrare
M'at fattu bon'accoglienza,
Ca semus in confidentzia
Semper e solimus trattare,
Intro a li manifestare
Sas mias intenziones,
Chi unu aneddu e buttones
Pro leare fia andadu.
Chi est in...

Da chi asi m'ada intesu
Ch'aia cussa idea,
Lassendemi sa cadrea
De tribagliare at suspesu,
Chentza aer tempus trattesu
Abberzei sa vetrina,
Inue fidi in mustrina
Prata e oro trabagliadu.
Chi est in...

Chin su bellu fagher sou
Dimustrende piagheres,
Nesit:lea su chi cheres
Sebera a geniu tou,
O puru tottu de nou
Fatto pro bene serviredi,
In fàttura e garantiredi,
Oro puru e raffinadu.
Chi est in...

Daghi at asi promittidu
Nd' 'istesi troppu cuntentu,
De modu ch'in su momentu
Deo apo accunsentidu,
Pro esser menzus servidu
Chena inganniacreide,
Prestendeli totta vide
Mancu preju amus trattadu.
Chi est in...

Restesi asi de pattu
A cumintzu de sa chida,
Chentz'esser mancu finida
Mi nd'enit cun totu fattu,
Non bi aiat cuntrattu
E nen preju istabilidu,
Chentu francos m'at pedidu
Chentu francos l'apo dadu.
Chi est in...

Ch'in santa paghe e amore,
Lu paghesi prontu prontu,

Narat tenidelos contu
Chi sun pinzos de valore,
S'aneddu est superiore
Ca sa gemma in bidde est sola,
Vera antiga corniola
S'oro est mancu apprezzadu.
Chi est in...

Dadu a s'aneddu su 'antu
Sighidi a narrer de goi;
E-i sos buttones poi
Sun bonos atteru e tantu,
Mi so aggiuadu a cantu
S'arte suggeridu m'ada
Già l'ada a bider Pattada,
Cussu meccanismu usadu.
Chi est in...

Li nesi nde so benissimu
Seguru chi no nde dudo,
Mi salutat lu saludo
E si nd'andat allegrissimu
Restend'eo cuntentissimu,
Ch'aia tottu a su gustu
E ch'in dun'omine giustu
Aia a pare pigadu.
Chi est in...

Appena chi sa carrera
Giumpesi pro si che andare,
Cherzo de nou osservare
Cudda corniola vera,
E fi de mastigu e chera
Una effigie dipinta,
Dendeli una faltza tinta
E lucidu coloradu.
Chi est in...

Bidu custu primu tiru
De su re 'e sos imbrogliones,
Pro osservare sos buttones
Isboligo su pabiru,
E fin sos ranos de giru
Perras de asolu tundu,
Trampas chi mai in su mundu
Si fidi intesa a contadu.
Chi est in...

Lu torro a chircare 'e nou
Ando e l'abbojo in buttega,
Li tratto custa refrega
Narat: no est contu tou,
Est chircare pilu in s'ou
Agattar'oro chena miscia,

Mi lassat che fattu in liscia
Paria 'eo s'infaltadu.
Chi est in...

Li nei:a sa bona avenzat
Pro non perder s'amicizia,
Li fattad'una peritzia
Su chi li ponen si tenzat
Ma chi totu si mantenzat
Est furare a s'iscarada
Cudda gemma chi mi antada,
Pare casu caentadu.
Chi est in...

Pesadu si nd'est a s'ora
Bettende una 'oghe manna;
Prestu saltiami sa janna
E brincache erettu fora,
Non mi la finis ancora
Si t'isettas est guai;
E daghi apo intesu gai.
L'apo a per'isse lasasdu.
Chi est in...

Si non bos rendo infadados
Bo nde conto de piusu,
Comente corno ch'est s'usu
D'esser totu arrellozzados,
Che-i sos bene fadados
Ancora 'eo apo sighidu,
Ma già mi so favoridu
Mai b'aere pessadu
Chi est in...

A sas disgrascias continu
M'at subra 'ennidu affannos,
Fia duos o tre annos
Murgunzende aunzu e binu,
Astrintu pro custu ildinu
Fia che tenatza inglesa,
Pro ressessire in s'impresa
De m' 'idere incilindrada.
Chi est in...

Persighidu m'at tottue
Sa mala sorte e ruina,
Appidu una settantina
De francos e per'in cue,
Già m'azis intesu da 'ue
Fattu cun tanta astrintura,
Sendemi postu in vettura
So a Tathari tuccadu.
Chi est in...

E daghi istesi inie,
Non mi ettesi a sa tzega,
Chircad'apo ogni buttega
Pro seberare sa die,
A totu naro asie
Unu onu mi nde diada,
Lu pago cantu si-siada
Bastat d'esser cuncordadu
Chi est in...

A muntone los bogàna
Da chi asi m'intendiana,
Medas non mi piaghiana
Atteros non mi aggradana
Lendemi e dende mattana
A donzunu rellozzaju
Finas, chi m'ada unu raju
Ruttu in pienu e faladu
Chi est in...

Pustis de fadiga tanta
Seberende a chelta chelta,
Mi nde desidi a iscelta
Unu pro francos baranta,
E puru e in ora santa
Nesi, bi so ressessidu
A m' 'ider bene servidu
Vosté già m'at cuntentadu.
Chi est in...

Isse cun grante imponentzia
Mi at rispostu a mannu mannu,
inoghe non ch'ada ingannu
Si trattat cun cussientzia,
Postu mi l'ada in presentzia
A s'ora pretzisa e giusta,
Como, nesi:, 'usto e 'usta
Ch'est mesu die passadu.
Chi est in...

Contendebos su sutzessu
Nde resto siccu che linna,
Dae sa Carrera pitzinna
A piatta fidi arressu,
Torro insegus che ispressu
E-a bider bi lu desi,
Appenas bi lu mustresi
Nesidi:Est prestu arrangiadu.
Chi est in...

Bos potto totu proare
Cantu bos istabilisco,
Fattu ada itte non isco
E mi lu torrat a dare,

E chentza che arrivare
A sa locanda chi via
Lu osservo un'attera 'ia
E si fi torra firmadu.
Chi est in...

Gitu da impetu feu
E manera furiosa,
Che torro e li naro:Ajosa
No 'isto in custu pelev,
Torremi su fattu meu
No bi cherzo pius pessare,
Rispostu at: Lu fatto andare
Mancari cosci truncadu.
Chi est in...

Lu leada e cuitende
De nou cosa l'at fattu,
Torradu mi l'ada in s'attu,
A vapore caminende,
Su sero fidi intardende
Lu saludo e mi ritiro,
Cando de nou lu miro
M'at pius forte siccadu.
Chi est in...

Arrangende e iscontzende
Tando l'at colpadu in altu,
In tempus de unu qualtu
Fattu at tres'oras passende,
Cando fidi iscurighende
Fini sas doighi e mesa,
Pariada a sa lestresa
Crabolu a canes pesadu.
Chi est in...

Appena at buttega abertu
Che torresi su manzanu,
Li nesi: Ma una manu ... !
Pro castigu l'apo imbertu,
Corno est pius iscussertu
Ca currede a tota fua!
Narat: Cussu est culpa tua
Ca l'as su tempus toccadu.
Chi est in...

De cussa gulpa so francu
Li nesi cretat ch'est tale,
Cantu non mi tocchet male
Si toccadu l'apo mancu,
Lu fattada andare a rancu
Si no ch'essi pala pala;
Nara: Bae inoramala
Tue est chi b'as forrogadu.

Chi est in...

Non bei apo postu manu
Li nesi, in moda nesciuna,
Non nd'ettes un'atteruna
Mi rispondesit, marranu...
No fisti dae manzanu
Sempre seberendedilu,
E cantu gighiat pilu
Si l'est in testa attuddadu.
Chi est in...

Leone su pius mannu,
Pariat biderlu a vista,
Timende 'e mi dare pista
Mi nde istesi cun su dannu,
Da isse mastro 'e ingannu,
De cuss'arte imbrogliadora,
Rellozzu apo e no isc'ora
Accò su gustu catzadu.
Chi est in...

Semper 'istada a s'altza e fala
In domo fora e totue,
Cando inoghe e cando in cue,
Che dat sa friccia a un'ala
Lu gito pro fagher gala
Ch'in sa cadena pendende,
Ma de su restu est andende
Che conca e ispiridadu.
Chi est in...

In bidda siat o fora
Semper 'istat a curre e pasa,
Si mi naran it'ora asa,
S'ora 'e deris a cust'ora!
Rispondo: O chito est ancora
E asie mi lu catzo,
Si no faulas ispatzo
E nde resto abbirgonzadu.
Chi est in...

Bastat ch'in narrer e concruo,
Mizzi a dite puntu sò,
Sa cadena a bider dò
Ma su rellozzu lu cuo
Ponnerlu a postu mi ajuo,
Ma non 'istat mai in datta,
Currende fora e tratta
Semper a caminu rujadu.
Chi est in...

Cust'attera tribulia
Mi est falada che sentescia

Rellozzos de ogni ispecchia
Romanticos nde tenia,
Custu mi mancada ebbia
A cumpretare su pesu,
Est chi be-i apo ispesu
Però già l'apo acciappadu.
Chi est in...

Da ch'irrellozzadu fia
Mancari chentza giuare,
Pro piusu ispacconare
E fagher fanfarronia,
M'intrat puru sa mania
De mi faghene alva e pilos
E paret chi s'appan filos
Totu a mi gabbare etadu.
Chi est in...

Nendelos tremo che canna
Sos raios ruttos a ira,
Sende asi gira gira
E passizzende a sa manna
Apo 'idu in-d-una gianna,
Chi narada in-d-unu affissu:
Fagher alva est pretziu fissu
A tre soddos ribasciadu.
Chi est in...

Daghi asie apo 'idu
Approfittende e s'occasione
Mi setzo in su seggiolone,
Parfende inie naschidu
Su padronu chi m'at bidu
Ch'in tota sa gentilesa,
E ch'in sa pius lestresa
Sa resorza at accuttadu.
Chi est in...

A daghi l'hada affilada
Chi tagliaiat perfetta,
Leat una sabonetta
Noa, chena ancora usada,
E tota, mi l'at frigada
Dae s'alva fin'a chizos,
Appendemi tota a pizos
S'ispruma in cara lassadu.
Chi est in...

Già mi fattesit pessare
Cussu cane imboligosu;
Intradu m'est animosu
Parfende ch'incomintzare
Non mi cheriat lassare
In cavanos mancu corza,

Totu in-d-una sa resorza
Addae ch'ada imboladu.
Chi est in...

Sa mia sorte e fortuna
Mancu s'ae la proerat,
Eo creia chi esserat
Pro nde leare atter'una,
Si parat de cara bruna
Nende airadu che orcu:
Parene tuddas de porcu...
Assumancu ti ape ojadu.
Chi est in...

Bida tale funzione
Lu creia coglionende,
E nadu li apo riende:
Ma un'omine buffone,
Non so ratza de sirbone
Ne appartenzo a s'eritu!
Fattat prestu chi est tarditu
M'isbrighet cun coidadu.
Chi est in...

Buffonia ne maliscia,
Nesit: no nde trattes mancu
Si no mi dasa unu francu
Cantu mi tocchet giustiscia,
Pro nd'aer fattu un'istriscia
Itte bella zoronada!
Sa resorza est guastada
Su brazzu che solovradu.
Chi est in...

Infadadu fin'a coddos,
Li rispondo, amigu caru,
Ma s'affissu canta giaru
Chi l'as faghes pro tres soddos,
Ch'est mastro de imboroddos
Lu 'idet donz'unu tontu,
Si no li torrat a contu,
Innanti b'aeres pessadu.
Chi est in...

S'iscuja l'ada agatada
Ch'in narrer pro alanzare:
Cussa est alva regolare
C'ando est proportzionada,
Sa tua est troppu imbejada
Paret littu de iscobalzu,
O buscu de castannarzu
Chi non b'at chima toccadu.
Chi est in...

A cussa intesa risposta
Deo osie li repito:
Eo la porto e la gito
Comente Deus l'at posta,
O modde siada o tosta,
Est un'alva e bastet gaí,
Custu fagher sou, mai
Si fidi intesu a contadu
Chi est In...

Rispondet: Sa provvidentzia
De ogni modu nde faghet,
Pagare non ti piaghet,
Bae in bonora e passentzia
Totta custa differentzia
Est centesimos settanta;
De su restu sona e canta
Bastante mi as buffonadu.
Chi est in...

Ch'est furbu e de testa duru
Li nesi e como lu creo,
Su buffonadu so 'eo
E già si che colat puru
Ca est inoghe siguru,
Chi non poto fagher nudda
Si no l'aia che pudda
Ispilidu o ispumadu.
Chi est in...

Narat ch'in s'impunidade
De-i custu marra marra,
Ma no importa sa tzarra
Ne perder sa libertade,
Ma forsis sa caridade;
Ma est paga chi ti domando
Ma no li piaghet tando
Ca già si est congedadu.
Chi est in...

Prosighinde a insistire
Li rispondesi a sa giara,
No nde tenza cristianu,
Essende a perra e cara
Comente poto essere?
Si aere gittu a mi 'estire
Cappottone cun caputzu,
Su cavanu chi m'at mutzu
Mi lu tia aer cuadu.
Chi est in...

Li ripito a custa azzota,
Narat chi pagu li cresca,
Nessi a sa capputzinesca

Si non mi la faghes totta,
Chi andare mi nde pota
Si no, comente mi ch'esso?
S'in custu modu attraesso
Mi ana crere isvariadu.
Chi est in...

Inutile est su capricciu
Mi at rispostu a s'atediu,
Pro cussu già b'est su mediu
Unu francu e sese ispiciu,
E deo che postu in niciu
O che omine indifesu,
Sende isortu fia presu
E Chena fune ligadu.
Chi est In...

Fortuna che-i sa mia
No nde tenza cristianu,
A li etare sa manu
Fia solu e lu timia,
Andare a sa politzia
Comnente ogao biccu?
Mesu ilde e mesu siccu
Che un'alvure trasiadu.
Chi est in...

Pro s'amore e Deus siada
Sas'astrinta chi apo 'idu,
Mai l'aere connoschidu
Si non mi la faghes totta,
Unu francu chi cheriada,
Luego mi mancaia
Su tantu de su viaggiu,
Poi mancat su coraggiu
D'essire a l'aer chircadu.
Chi est in...

Bidumi in procintu tale
Ligadu chi no m'iscappo,
Mi la finat nadu l'apo
Li fatto una cambiale,
Si non pago puntuale
Giustu a sa die ch'ispirat.
La protestat, o la girat
E accollu assicuradu.
Chi est in...

Taarrende che papagallu
In cussa proposta insisto,
Narat: si, a cussu bisto
Ma debes dare un'avallu,
E fimus semper in su ballu
De s'iscuncordadu sonu,

Non sende d'essire padranu
S'aere a calcunu abbojadu
Chi est in...

A tanta noia e atediu
In su cale m'incontrao,
Animas santas narao
Dademi calchi rimediu,
Chi custu istadu e assediu
S'acabet prestu e si finat,
Cussu maccu m'arruinat,
Assumancu apo incosciadu.
Chi est in...

A Deus siat a gloria
Cussu meu affannu tantu,
Custa, tando o carchi santu
Mi ateidi a memoria
Narrer: finimos s'istoria,
E una prenda a la cherede?
E padronu nde sierende
Finas chi enzar pagadu.
Chi est In...

Creide chi tando fia
A s'ultima circostantzia,
Nisciuna atera isperantzia
Si non fi custa tenia,
Cosa chi no mi creia
Rispondet: proite nò,
E giompo tando e li dò
Cussu rellozu costadu.
Chi est in...

Bi lu desi ma non fia
De bi lu tzeder cuntentu,
Ca mancari fidi isentu
Che cando mai l'aia,
Pro fagher fanfarronia
Mi tiad'essere servidu,
Assumancu a m'acr bidu
Cussu dringhili appicadu.
Chi est in...

Già la fattesi s'essida
Pro abbojare pispinzos,
Da chi apesi cussos pinzos
Mi la fattesit cumprida,
O bene o male finida
Potesi essire a fora;
Ma fia cherfidu a s'ora
Piantu che sepultadu.
Chi est in...

Finas a sas feras coldozu
Podia fager sa die!
Sende che lampana inie
Ch'est finit, o non finit s'ozu;
Ne dinari ne rellozu
E a bentre sona sona,
E puru e inora bona
Ch'esso facci rasigadu.
Chi est in...

Che-i cussos tramposeddos
Già bi nd'at atteros puru,
Dae unu mastru e muru
M'istesit postu in cherveddos,
A mi fager sos furreddos
Chi fin de cumbenientzia,
E mi trattat chin cussentzia
Si tribagliu l'aere dadu.
Chi est in...

Daghi at asi promittidu
Fattesi riflessos mios,
Chentza mirare a ilvios
Luego apo accussentidu
Tantu proite apo 'idu
Ch'in domo bene b' 'istada,
Tantu e dare zoronada
A cussu disoccupadu.
Chi est in...

A cando avisadu 'istesit
Sas cosas fin preparadas,
Duae bona zoronadas
E mannas b'impieghesit,
Sa cales si las paghesit
Tres francos e mesu onz'una,
Pro cussu bona fortuna
Chi apo tentu e bogadu.
Chi est in...

Da ch'istesit totu fattu
E pagadu in cumprimentu,
Si nd'andat troppu cuntentu
E de su trattonzu est gratu;
E deo mortu e isfattu
De fame iscuru a mie,
Ca tribagliende sa die
No aia mancu ustadu.
Chi est in...

Pro esser sa chena lestra
Atzendesi su carvone,
Post'amos su padeddone
Pro nos cogher sa minestra,

' Intra bentu in sa finestra
Chi dat lughe a sa coghina,
Nde falat a moderina
Cant'aiat fraigadu.
Chi est in...

No sendende persuasu
De simile funtzione,
Restei che macarrone
Iscundidu chena casu,
Chentza mamentu de pasu
So andadu a lu sighire
Li fatto totu a ischire
Forte, e male infuriadu.
Chi est in...

Da chi 'asi mi at intesu
Ischides ite at rispostu,
Chi bi temus aer postu
Sale, in s'abba, fattu at pesu,
E tando chi aere mantesu
Chin tantu 'arriu a pala,
De andare in ora mala
Fit bennidu pretzisadu.
Chi est in...

Mai 'idu cosa simile,
De su disastru sutzessu,
Fatto de nou riflessu
De torrare a su foghile,
Mi tuco a unu fraile
Inue su mastro agato,
E-i su contu li fatto
De su chi m'est capitadu.
Chi est In...

M'ammento fin'a sa morte
' Ue che cherfesi ferrere,
Nadu l'apo:Tia cherrere
Una tribide ma forte,
Narada:as'apidu una sorte
Che nd'at una bell'e fatta,
A bonu preju e baratta
Totu atalzu temperadu.
Chi est in...

Chentza chi mancu asi neret
' Osie l'apo rispostu,
Non chirco su pagu costu
Bastu chi 'ona sieret,
Si la paghet cantu cheret,
Rispostu m'at:Mesu iscudu,
Bi lu do e m' 'isto mudu
Mancu l'apo faeddadu.

Chi est in...

Bessit custa buglighedda
Cantu sas nadas a corno,
Appenas giutal'a domo
Fatto ponner sa padedda,
Pro nos cogher cosighedda
Ma mai l'aera fatta,
Si faghede a una catta
Non nd'at pro sorte achinadu.
Chi est in...

Fi pro rutu su disastru
De non cogher sos istincos,
Tuccadu mi so a brincos
E torr'ai cuddu mastro,
Li rinfacio s'impiastru
Sa beffe fatta su giogu
Chi fidi posta in su fogu,
Pes e chisciu addoppiadu.
Chi est in...

Li nesi: Chena rispettu
Mi l'at dada pro atalzu,
E paret ch'est de chivarzu
Purile e sale suettu,
'Asie tenzat profettu
De fraile e de cant'ada;
Ma una buglia pigada
Aggiunmai fit costadu.
Chi est in...

Su non bi brujare zente
Est miraculu e Deu,-
Torremi su fattu meu
Chi non b'alet a niente,
Rispostu m'ada: E comente!
Gai t'agates a crasal
Già chi gitta ti che l'asa
Su chi m'as dadu restat dadu.
Chi est in...

Si che sese in cussa crima
Prosighit: Sunu manias,
Pro cantu no la cherias
Lu aeres bidu prima,
Si cosa ti devo, intima,
Già c'at conciliadore,
Giambiat chiza e tenore
Timia m'aeret pigadu.
Chi est in...

M'iscosto e mi li frango
Ca fi de ira pienu,

Li ripito a lenu lenu;
No mi agganghes ne ti aggango,
Si bei cheret ti nd'aggiango
Ma mi la diat bonita,
In cussa mancu bullita
Ponzendel'a bi at restadu.
Chi est in...

De si repiter ti alda
Sighit a narrer cuncruet;
Si no giuat mai giuet
A ti la narrere a sa salda,
Da chi est bennida calda
Pro forza s'est fatta torta,
E deviat dare 'orta
Si as troppu fogu achicadu.
Chi est in...

It'omine intollerante
Nade ite maccu presumu;
Non fi mancu de piumu
Pro si calare a s'istante,
Sende unu maccu arrogante
Dae pessimos signales,
Chi a sos'atteros males
Bi siat cussu abbarradu.
Chi est in...

Si totu a vista los giame
B'at fattos chi paren perlas,
Intendide custas bellas.
Un'atteru falegname,
Una mind'at fattu infame
Chi a daghi l'intendides,
Bois totu bonde rides
Però deo apo crebadu.
Chi est in...

Custu mastru conca mala
Mai l'aere connoschidu,
Una die m'est bennidu
Ch'in sa gianchettedda a pala,
Intradu m'est da ogn'ala
Chi s'annada fit meschina,
Chi l'aere dadu faina
Ch'isse fit mesu arrambadu.
Chi est In...

Daghi gai l'apo 'idu
L'apo rispostu erettu,
Lea e faghemi unu lettu
Forte e bene costruidu,
Li do cantu m'at pedidu
Linna e paga anticipada,

Tottu a pala postu s'ada
E-a buttega ch'est tuccadu.
Chi est in...

Cando si nde fidi andende
Ch'in amore e santa paghe,
Li nesi: Lestru lu faghe
Narat:L'azis cuitende,
Tantu arressu so 'istende
Ca ite fagher no apo,
Corno a tribagliare iscapo,
Custa chida est ultimadu.
Chi est in...

Aisetto e mai si ottenit
Chimbe o sese o sette chidas,
Da chi custas sun finidas
Semper 'enzende e mai 'enit,
Corno nesi: No cumbenit
Chi a perisse lu lasse,
Bisonzat chi be-i passe
E asi apo effettuadu.
Chi est in...

Andadu so una die
Da chi mi so iscretidu,
L'agato in buttega setzidu.
Appenas at bidu a mie
Si nde pesat rie, rie,
Nende: Su lettu cherides
Cantu prestu lu tenides,
L'apo finas cumintzadu.
Chi est in...

Cando sa linna s'at gittu,
Fidi a primu de frearzu,
Benit su mese 'e giannarzu
E deo continu apitu,
Unu die in d'unu situ
Lu ojesit sa pisedda,
Li narat:Mastru conchedda,
Una no nde azis pigadu.
Chi est in...

Cheret chi bos intimemus,
Ma un'omine 'e paraulas,
Paga, bigarone e taulas,
Chi pro su lettu bos demus
Fattu 'ostru un'annu semus
E lettu no nos faghides,
Pro sas artes chi tenides
Totu bos azis buffadu.
Chi est in...

Rispostu l'at: Fiza cara.
Già bo lu fatto luego,
A babbu tou ti prego
In custu modu li nara:
Chi s'inventzione est rara,
E de sublime dissignu
Modernu e-a totu impignu
A rilevu e intagliadu.
Chi est in...

Da chi at 'asi a mannu a mannu
A fiza mia promissu,
L'apo lassadu a perissu
Pius de un'atter'annu;
Connotu ch'est totu ingannu
Chi mai 'enidi a fine,
Bidu in isse su tortine
Mi so eo, intortigadu.
Chi est in.

Da chi fimis ambos tortos
Ancora peus de prima,
Decido e li fatto un'intima,
Però fini isperos mortos,
Ma totu in domo resortos
Massimu muzere mia,
Si su manzanu perdia
Nd'aere su sero appelladu.
Chi est in...

Cando fia da onz'ala
Pro lu ponnere in tribulentzia,
Su d'innanti 'e sa sententzia
Mi nd' 'enit chin totu a pala,
E puru e inoromala!
Li nesi: Accollu cumpridu
Troppu mi azis cumpatidu.
Isse etotu at cunfessadu.
Chi est in...

Cuminzat a s'iscujare
Nende:Chi fidi un'incuria,
Ed eo sa tanta furia
De ira, lassesì andare,
Ressu mi lu apo a bustare
Fatto unu pranzu discretu,
A parte sero su lettu
A postu amos collocadu.
Chi est in...

A s'ora solita, cando
Soliamos riposare,
Sa femina a si corcare
Fidi andata tando tando,

Ed eo fattu fattu ando,
Mi che altzo e pro disgrascia
Ruimus a una fascia;
Lettu, corcada e corcadu.
Chi est in...

S'istrampada, s'abbolotu,
Pariat domo ruende,
Fizos nostros pianghende
Luego curre sin tottu;
Dua petzas de regottu,
Frazigadas pariamus,
Fichende e mai ficamus,
Issa rutta e deo istrampadu.
Chi est in...

Nos'andan sos ispienes,
Che a berveghe romasa,
E li nesi: Nudda asa?
E issas Niente tenes?,
Li nesi: sos renes,
Che sachetta de coccois,
Tand'issa gridesit:ois
Sa domo no nd'at bettadu.
Chi est in...

Sos tzoccos de su linnamine
Parian tantas matraccas,
Pienos nos'at de ciacas
Pistendennos s'ossamine,
Che lorumu de istamine
Totu trobojadu e puntu
Est ue isgiantu ue isgiuntu
Cussu lettu suspiradu.
Chi est in...

No 'istesit mala preta
A carestia non fia,
Povera muzere mia
Contat lumbina ereta,
Eo che de bombas peta
Giuto ogni costa pistada,
Sa famiglia assustada
Ch'in su sambene arteradu.
Chi est in...

Bastat cumbenit de drittu
Lassare sas'imposturas,
Mancari buffonaturas
Apa misciadu in s'iscrittu,
E a s'intra essi gittu
In s'argumentu mi sia,
Torro a su chi a prima fia
Cand'apo printipiadu.

Chi est in...

Su mundu 'enit connotu
Che una roda formada,
Meccanica organizzada
Ch'istada in continu motu,
Colad'una e fattu totu
' Inrana in sa via torta,
Fattende ingresso in sa porta
De ogni male cuncentradu.
Chi est in...

Lu cunfirmo a puntu fissu
Mancari a tottu non lumene,
Contr'a su bonu costumene
Donzi mal'abitu at bissu
Da in abissu in abissu,
Currende sa zente caminat
S'unu a s'atteru arruinat
Che cando est votu formadu.
Chi est in...

Si paret esser castigu
E una fatalidade,
Su frade ingannat su frade
S'amigu ingannat s'amigu,
Totu su chi est de obbligu
De onore e cussentzia
Ch' in sa summa indifferentzia,
Si lassada inoperadu.
Chi est in...

Totu est pro nostra isventura
Su bonu faghene suspesu,
Custos furana in su pesu
Ateros in sa misura,
Pitzinnos e gioventura
Totu aspirana a su male,
Sos betzos tale e quale
Si no ana oltrepassadu.
Chi est in...

Sun giarissimas rejones
Chi cun proas si difendene,
Ello da itte dipendene
Brigas, lites chistiones,
Si no pro sas traisciones
E ingannos chi si pratigana
S'esser cantos terra catigana
Tot'unu fangu impastadu.
Chi est in...

S'est a lu ponnere in fasciculu
S'ingiustu e malu operonzu,

Cantos nade pro su bisonzu
S'an bendidu cantu e bicculu,
Chie mannu e chie picculu
Cunform'a sa calidade;
Chirchende pro caridade
Chie lu aeret comporadu.
Chi est in...

Non tezis poder negare,
Sa cosa evidente e vera,
Tzertos mancu a sa manera
Fin tando de comporare,
Eppuru pro sollevare
Dae s'affannu cuddos colzos
Sacrifitzios e isfortzos
An fattu e ana leadu.
Chi est in...

Bonu coro e gentilesa
Ispintu an cuddos creide,
E lende a sa bona fide
Pro risparmiare ispesa
Non s'an fattu a siguresa
Su notarile istrumentu,
E no est unu e ne chentu
Ch'est restadu tracolladu.
Chi est in...

Bidossì sos bendidores
Appenas ristabilidos,
Ischende chi non munidos
Si fin sos comporadores
De petzos chi an valore,
E de attos non provistos
Chi proen sos acquisti
Cantas lites si an formadu.
Chi est in...

Sende in giudisciu 'ennidos
Ch'in carattere no isplendidu,
Allegan: Chi nudda an bendidu
Ne dinaris b'at retzidos;
Cuddos chi los ant supridos
In sos estremos bisonzos,
Ne carta an nen testimonzos
E li lean su pagadu.
Chi est in...

A cantos custu est sutzessu
Chentza ispera de rinediu.
Perdindesinde cun su prediu
Summa dada e s'interessu
Sende totu custu ammessu,

Proite est cosa innegabile
Abbarrat incuntestabile
Cant'apo campendiadu.
Chi est in...

Costa custu frequente
in sos de mala cuscescia,
Bind'ada un'atera ispescia
Ch'ingannat diversamente,
E sun cussos cudda zente
Ch'ana coraggiu e podere,
E solin fagher de mere
In s'anzena a bratzu armadu.
Chi est in...

Si passentzia tenides,
In sighire a m'iscultare
Tenz'ateru de contare
Dae su cale apprendides,
Chi negare non podides
Chi su nadu est veridade
Ch'ana totu cun s'onestade
Su vivere separadu.
Chi est in...

Chi est de intender gratu
Iscultet custu est reale,
Su chi at como unu tale
Pagos annos corno fatu,
Pro esser da ogni latu
Frastelladu e affligidu,
Cuddos chi l'an puntu e feridu,
Custu m'ada ispiegadu.
Chi est in...

Totu mi an dadu lantzada,
Chie a destra e chie a manca,
Cando cudda grande tanca
Su fulanu l'at serrada,
A sa sua attaccada
Be-i fi sa terra mia,
Mi giamat e no ischia
Proite fio avvisadu.
Chi est in...

Da chi ando in modu benignu
E-i in su narrer s'est gittu;
So serrende unu tanchitu
No mi seghes su disignu,
T'apo a dare a totu impignu
Chi est rejone naturale,
Unu cambiu uguale
A su tou chi est pigadu.
Chi est in

Tento de ti soddisfaghère
Prosighit: No miro soddos.
Pijadu mi so in coddos
E ite cheria faghère?
Andare a lu dispiaghère
Mi nde tremia che foza,
E contr'a gustu a mala oza
Ammito e no cuntrastadu.
Chi est in...

Daghi afflittu mi nd'ando,
Passadu tempus non breve,
Ch'in manera umile e leve
Be-i torro e li domando,
Su cambiù; e si no tando
Unu segnale e affittu,
E mi risponde subitu
In modu mancu pregadu.
Chi est in...

Faeddàt che cristianu
M'avvio che soddisfatto,
Ch'in sa promissa ch'at fattu
Mi lu creia in sa manu,
Atunzu ijerru e beranu
E istiu passat puru,
In sa promissa seguru
Ma s'est nudda effettuadu.
Chi est in...

Da chi sa dada isperantzia,
Mi pariat mesu morta,
Bi torro un'attera orta
Fatto sa matessi istantzia,
Si pesat cun arrogantzia:
Marcia fora lestramente
Chi non ti devo niente,
Mustra si cosa m'as dadu.
Chi est in...

A perdita e tanta offesa
Nademi, mediu e cale?
Giamarelu in tribunale
Timo a isse e-i s'ispesa,
Mancu a mi fagher difesa
Incontro procuradore,
Chi pro paura e timore
Est timidu e rispettadu.
Chi est in...

Osservade a cale etzessu
Arrivi su birbantaggiu,
A pius chi at su coraggiu
Learemi s'interessu,

S'intro mi li fia arressu
M'aiat donz'ossu pistu,
Battendemi a puntu tristu
De corrudu e fustigadu.
Chi est in...

Cantu pro cussa attrivida
Perd'eo già l'ischit Deu,
Pro domandare su meu
In perigulu est sa vida,
Pro fortza la dò finida
Si cherzo vivere in paghe
Ch'ana su fuste e s'ambaghe,
Cussos semper ammanizzadu.
Chi est in...

Ch'est faula non crededas
A dolu de domo mia,
E no l'an fatt'a mie ebbia
L'an fattu e faghene a medas,
E creo chi nde siedas
Che deo a cognissione,
Sende in donzi occasione
Abusu continuadu.
Chi est in...

Finas peri sos caminos
S'intenden custos clamores,
E-i sos usurpadores
De roba e de terrinos,
Non pessan custos mischinos:
O chi restituzzione
O certa dannassione,
Gasi Deu at decretadu.
Chi est in...

Mi creo chi sia dignu
Narrermi ch'est veridade,
No est custu fagher nade,
Ingannare a tottimpignu
Su dimoniu malignu
S'in terra a viver beniada,
Fagher mai non podiada,
Unu simile attentadu.
Chi est in...

S'abbusu de libertade
Est calculadu unu giogu,
Si peccada in donzi logu
In donzi tempus e edade;
E in donzi calidade,
De bassa zente e distinta
E dae totu est respinta
Sa legge chi Deus at dadu.

Chi est in...

Si fi de totu a trattare
E permettidu chi avasse,
Da ultima a prima classe
De zente tia mustrare,
Chi totu de ingannare
Istudiadu ana s'arte
E in donzi logu e parte
Est in usu e praticadu.
Chi est in...

A cantu apo fattu ischidu
In su presente argumentu,
Nades proa s'esperimentu
Chi nd'amus connotu e bidu,
Chi an finas produidu
Fruttu de abbondantes dannos
Finas cuddos pius mannos
Chi occupan postu esaltadu.
Chi est in...

Si non fatto pallizzadas
Bo nde conto pius mannas,
Nade e cantas cundannas,
Fattas appassionadas,
Si nd'idet pronuntziadas
In varios tribunales,
Pro riparare sos cales
Su giustu est multiplicadu.
Chi est in...

Sunu isvistos sutzedidos
Si nd'at chin narrer iscujaados,
Ma cantos impiegados
Pro cussu non si sun bidos,
Rutos e destituidos
Mandados a domo issoro,
Ch'in dolu e pena in su coro,
Pro cantu an demeritadu.
Chi est In...

Ma cantos si verificana
Fattos troppu dissolutos,
E medas trampoline rutos
Ch'in trampoline nde los ficcane,
A chie iinpicana a chie ispiccana,
Ponzende in milli mancias,
A concas giustas e veras
Velu faltzu e oscuradu.
Chi est in...

S' 'idet chi donz'unu abusat
Chentza mancu ojos aberrer,

Malu fagher, malu cherrer
Est como su chi si usat,
Custu s'innotzente accusat
Ch'in faltza imputassione,
Cuddu birbante e ladrone
Est protettu e amparadu.
Chi est in...

Sunu totu trasgredidos
Pretzettos cumandamentos,
Abbarran cuddos cuntentos
S' 'iden custos affligidos,
Restan cuddos risentidos
S' 'iden custos esaltados,
Ateros sunu infangados
In pius male sobradu.
Chi est in...

A s'unu a s'ateru prendet
In modu chi no s'innodet,
Chie in operas not podet
In peraulas offendet,
E calunnias distendet
Cando in prosa cando in rimas,
Mancende in ramos e chimas
Cudd'arvure delicadu.
Chi est in...

Si trattat chin donzi testa
B'at malas ideas fissas,
Custu inganna cun promissas
Custa giovanedda onesta,
Medas ballan che in festa
Ca cudda colza sa tale,
Est rutta e andada male
Ch'at s'ereu abirgonzadu.
Chi est in...

Cuddu ch'in su malu intentu
Non potesi resessire,
Si pagat chin presumire
Chi cudda parte at ottentu,
Donz'ora e donzi momentu
Nd'at profitadu che sua,
Appende una faltza lua
Cuss'infame bombitadu.
Chi est In...

Fit cudda promissa isposa
Ch'in d-unu bonu partidu,
S'ateru chi l'ada ischidu
Chin maliscia mostruosa,
Ch'in narrer, oscurat sa rosa:
No tot'oro est su chi lughet

E in mancra si giughet,
Chi si annullat su trattadu.
Chi est in...

Cantu de malu si faghet
In su mundu l'ischit Deus,
Custu est malu, cuddu est peus,
Peccare a totu piaghet
In cara bos cumpiaghet,
Cudd'omine fiagosu,
Est su piusu odiosu
Chi Deus apat formadu.
Chi est in...

Chin carignos e amores
Avicinaresi tentat,
Cuddu chi bos si presentat
Offerzendebos favores,
E d'est de sos traitores
Su pius malu e perversu,
De sentimentos diversu
De su ch'in cara at mustradu.
Chi est in...

Cuddu ch'in bucca su mele
Mustrat ch'in s'eloquentzia,
Ingannat a s'apparentzia
Ca in coro totu est fele,
Cumparet cuddu un'Abele,
O su caru Beniaminu,
Invece est unu Cainu
Fratricida iscelleradu.
Chi est in...

Mirade cuddos cumpanzos
A sotziu negusciende,
Sunu in lite e ingrassende
Sos procuradores lanzos,
Ca sos fundos e balanzos
E dinaris manizados,
Unu los at pittigados
S'ateru nd'at chiltzinadu.
Chi est in...

Creidemi, iscultadores,
Chi custos non sunu ispantos,
E gasi sunu tottugantos
Trampados e trampadores,
Mannos siana o minores
Est fattu pius che giustu,
Cale in cuddu,cale in custu
Manca si no at mancadu.
Chi est in...

Si bos scandalizades
Ca faeddo de asie,
E dende su toltu a mie
Faltzariu mi giamades,
Totu o in parte negades
Sos fattos, si, nade o nò,
E a mamentos bos prò
Chi non apo esageradu.
Chi est in...

Antzis chentza sos chircados
Sos mazzeos partes restana,
Ch'in s'imbrogliu manifestana
Ch'in sos issoro operados,
E medas chena notados
Lo lasso ca troppu allongo,
Solamente bi nde aggiungo,
Paritzos de primu gradu.
Chi est in...

Trattadu de caltjolajos
Bo s'apo e de sos traperis,
E mastros de linna e ferreris
Orefices e rellozaios,
Cumpresos sos ramanajos
Birbantes de prima isfera,
Chi ch'in s'arte sa manera
De trappare ana imparadu.
Chi est in...

Si sigo a fagher s'ispogliu
Nd'incontro pius de tando,
E-i sos massajos cando
Est chi no an fattu imbrogliu,
Iscriere in custu fogliu
Manu e poddighes mi tremene,
Ca s'ischit fin'a su semene
Ch'ana cussos misceladu.
Chi est in...

Fatt'issos puru an s'iscola,
E de tzertu amos ischidu
Ca tantas est sutzedidu,
E no una orta sola
Furende dae s'arzola,
Sighirelu mannu e bonu
A s'ora chi su padronu,
Fit drommidu e assonnadu.
Chi est in...

Si esseran sos massajos,
Ischassos de vide e cultzos,
Cantas astrintas de bultzos
Nos dana sos turronejos,

Cando a furia de ispraio
Andamus peri sas festas,
De intro 'idda e campestras
Semper an s'amu ammaniadu.
Chi est In...

Cando andata a festizzare,
Cuddu ajanu ispaccone,
Già l'ischit chi su turrone
Deve battire a comare,
Narat, a nde li pesare
Chimbe liberas o sese,
Invece nde li dat trese
Meidade e su pagadu.
Chi est in...

Su ch'est giaru non si cuet
Ne faulas aggiungher mancu,
E si naran ch'est a francu
A duos francos li ruet,
Pro ch'andet cuddu e s'ajuet,
Abbaidare a su pesu
L'inganna mesu mesu,
C'an sa mancra imparadu.
Chi est in...

In giugher su pesu male
Sunu istruidos e dottos,
E poi sos gabellottos
Sun totu tale e quale;
A sos ch'an su naturale
De ponner tabaccu in nasu,
A coa de s'annu, 'asu
Lis porrini e bene dadu.
Chi est in...

Mancari a fura piana
Sun furtos chi si propagana,
Unu soddu si nde pagana,
E ses dinaris nde dana,
E poi sas artes ch'ana
Chi unini a su rapè
Dan s'ossu de su caffè,
Da ch'est bene assoliadu.
Chi est in...

Totu in s'issoro esercisciu
Segan'ossu e corzu e trippa,
E a sos chi an de sa pipa
S'abitudine su fisciu
Fozza li ponene a misciu
De alabattu caddinu,
E pro no essere ladinu
Totu bene fricchinadu.

Chi est in...

Donz'unu pro arricchire
Solin faghère culsidades,
E si attentu m'istades
Bos do atteru a ischire,
A cale puntu arrivire
Solini sos cristianos,
Mancu a tempus de paganos
Fit sa zente a cust'istadu.
Chi est...

A cantu semus bennidos
Chi bos nelza permittide,
Sos credentes in sa fide
Fin tando sos persighidos,
Oe semus totu unidos
Martires pro tantu ingannu,
S'unu a s'atteru est tirannu
Fragellante e fragelladu.
Chi est in...

A puntu fissu si nerat
Epoca de attropoglios,
In cantu a faghère imbroglios,
S'unu a s'atteru superat;
Chi si calcunu bi aperat
Chi parferat menguente,
indignu est de patente
E meritat riprovadu.
Chi est in...

No est ne unu e nen duos,
Ch'ispozan su poveritu,
Cando boes in affittu,
Si dat pro fagher sos giuos
Sos fattos calculos suos
No resessini a donz'unu,
Ca de custos medas sunu
chi an tantas truffas pigadu.
Chi est in...

Comente nde solin dare
A sas biddas furisteras,
Chircan totu sas maneras
De si podere arrangiare,
Ca los podene arrestare
In sa 'idda o in caminu,
Lis faghen su bullettino
Nende ch'est già comporadu.
Chi est in...

Usan custas segurias
Ca a pius de cussu ancora,

In medas biddas de fora
Che inoghe ateras bias,
B'at sotziu e cumpanzias
Chi lendesi unu salariu,
Si de fura 'enidi isvariu
Pagan su dannificadu.
Chi est in...

Sos chi giughent s'aju 'iu
S'arrangian in sos dettaglios,
Terminados sos trabaglios
In beranu e in istiu,
Si las bendene e adiu
Mancari mesu a s'indonu,
E a su colzu padronu
Lu lassan che iscannadu.
Chi est in...

Mancari amigu assolutu
De sos pius confidados,
Sendelis in affittu dados
Si manigan fundu e fruttu
E dendeli fallidu e rutu,
C'un carattere nieddu,
S'aeret calchi biculeddu
Est pro vinta impotecadu.
Chi est in...

Colzu tremende che canna
E cantu cussos pianghene,
E a sas trampas b'aggianghene
Una truffa pius manna,
Tanchende a unu sa janna
A s'atteru su balcone,
Custu mandana in bentone
Cuddu iscultzu iscabiddadu.
Chi est in...

Totu dan rejone a mie
Si fisis istados attentos,
Dei custos traccollamentos
Nde 'idimos dogni die,
Chie non podet asie
S'arrangiat diversamente,
Menzus pagu che niente
S'ana in s'idea fissadu.
Chi est in...

Custu chin cuddu fraschigliat
De acciapare a sa mira,
Chie non podet sa lira
Aaer su soddu s'appigliat,
E tando ite meravigliat
Si pioet carestias

Chin sas noas maladies
De male irremediadu.
Chi est in...

S'azis de intender gana
Ancora chi troppu istento,
Ateras bo nde presentu
De cussa zente metzana
Chi lende a fura piana
Minore una fratzione,
Benidi a fagher muntone
Da ch'est addizionadu.
Chi est in...

Cherfende a custos lassare
E artistas e massajos,
Be-i sun sos masellajos
Pagu onestos in trattare
Cantu male miscia a pare,
Faghene cussas malas petzas
Petta dende d'erveghe betzas,
Nende ch'est masciu abbantadu.
Chi est in...

Semper s'est bidu e intesu
Chi tenene cussu peccu,
E canta petta e beccu
Che miscian puru in mesu,
E s'est a narrer de su pesu
Già be-i cheret notte e die,
Ohi da' issos nade, e chie
Ch'essit chena pittigadu.
Chi est in...

Mastros e zonorateris
Sun sa matessi zenia,
E lis faghen cumpagnia
In trappare e usureris,
E ancora locanderis
Cando lis benimos sutta,
Cantos ticos de abba brutta,
Pro brou nos ana dadu.
Chi est in...

Est totu roba ingannada
Zibu, siada e bevanda,
Andade a una locanda
Petta non semper bi nd'ada,
Su brou est cosa proada
B'est semper a sa baruletta,
Ca lu faghen chentza petta
Chentza ispesa e chena infadu.
Chi est in...

S'usu issoro fittianu
Onzunu solidi ischire,
Pro ponnere abba a iscaldire
Semper in fogu est su tianu,
Betan de ozu emmanu
Butios in su piattu,
E acco su brou fattu
E che bonu 'enit pagadu.
Chi est in...

Lughidu siat o buju
Pius de abba non b'ada,
Cherides una frittada
Pagas enas de fenuju,
Su restu totu marruju
E gomma pro parret ou
Donzunu est servidu a prou,
E nisciunu alirnentadu.
Chi est in...

De-i custos similes fattos
Bos nde tia narrere a mizzas,
E poi sas romasizas
Chi restana in sos piattos,
Chin s'avanzu de sos battas
Miscendelu totu a pare,
Lu torrana a presentare
Comente e nou ghisadu.
Chi est in...

Pro bos cumbincher perfettos
De totu proas bos dò,
Medas calculan però
De aer pulidos lettos,
Paren sos lentolos nettos
E cabidales e manta,
Mancu sas nottes e canta
Zente in isse bi at corcadu.
Chi est in...

Mizi comente disponene
Pro lis 'istare segretu,
Los lean da unu lettu
E in statтеру los ponene,
Cuguzzan gasi e cumponene
S'ingannia praticada,
Ca est arte istudiada
E metudu pratigadu.
Chi est in...

S'ingannu est connotu peri
Ca lu faghen frequente,
Ateros diversamente
Partidu su passizeri,

Pijan totu a su foltzeri
Bene comente cumandat,
Torrende a ponner a chie b'andat
Totu chena samunadu.
Chi est in...

Sun contos veridadosos
E sutzessos a seguru,
E passizzeris b'at puru
Su matessi abritiosos,
S'issos sunu imboligosos,
Cuddos sunu imboligantes
E trappende sos birbantes.
S'an bissu no an balanzadu.
Chi est in...

S'est dada s'occasione
L'apo intesu a locandista,
A bi nd'ennere parrer a vista
Unu grande signorone,
E da ghi at fattu muntone
Pro lettu manigu e bidu,
Si male istesi servidu
Male e peus est pagadu.
Chi est in...

Segundu sa circustantzia
Avassat s'inganna, inganna,
Cuddos fattos a sa manna
Est costumene e usantzia,
De si leare un'istantzia
Pro pius comodidade
E ponnere In seguridade
Su bagagliu chi ant portadu.
Chi est...

Sa zente 'e mala chervija
S'avvilin pro s'interessu,
Est medas bortas sutzessu
Lassarebi sa balija,
Chin carchi sola camija
Bezza e in su muru appiccada,
A bell'a posta lassada
Pro no che lu creare andadu.
Chi est in...

Osservade in custa iscena
A 'ue andat su alanzu,
Benit faghet bonu pranzu
Daghi at sa panza piena,
O intervenzende a chena
L'ispettat benner su crasa
Chircadilu e bidu l'hasa, .
Gai lu 'idan sinnadu.

Chi est in...

Est fattu sutzessu propiu
Custu est cantu azis intesu, i
Si unu est birbante e mesu
S'atteru est birbante doppiu
Su chi non tenet istroppiu,
No est esente de guastu
E no essende su nadu bastu
Non lu dò pro ultimadu.
Chi est in...

Pro sas malas passiones
S'ingannosu no at pasu,
E negusciantes de casu
No be-i nd'ada a muntones,
Chi trattan duos pirones
In su matessi cantare:
Su mannu pro comporare
De pesu ispropositadu.
Chi est in...

Nisciunu b'at ch'intrepetada
Male che-i s'usureri,
E pro 'ender su lezzeri
Ca facilmente s'ichetada,
E gasie si profettada,
De sos anzenos suores
Chin faghensi possessores
De su male acquistadu.
Chi est in...

S'innaltzat fin'a s'aera
Pro trappare sos birbantes,
E posca sos carrulantes
Usan s'issoro manera
Chentza chi bo lu nera
Sun cosas iscumbattadas
Chin su carru 'enin contadas
Sas petzas chi ant cunsignadu.
Chi est in...

Cussos bravos carradores
Betta domos, tanca e giannas,
Lendende sas pius mannas
La surrogan chin minores,
Sos malos comporadores
Cando 'endene in austu,
Ch'ana su numeru giustu
Cren chi troppu at miminadu.
Chi est in...

S'essera istadu unu Paulu,
Gridao forte che ferru

Sa farina de s'inferru,
Si la pijat su diaulu,
Su giamadu prima Saulu
Fit malu e s'est cunvertidu,
Ma totu non an sighidu
S'esempiu ch'isse at dadu.
Chi est in...

Su malu fagher non lassana,
Ne, si dimanda perdonu,
Dae su malu a su 'onu
Nisciunu o pagos bi passana,
Dae su malu est ch'avassana
A su peus sos de como,
Chi fora e intro e domo
Est t'otu contaminadu.
Chi est in...

De imbroglios madornales
Che-i custos nominados
Cantu nde faghen sos nados
Guardias forestales,
Chi dare a sos principales
Manu libera in tagliare
Cantu b'at de rispettare
In su saltu vincoladu.
Chi est in...

A sa zente preferida
Si faghet circulu tundu,
Taglian segan dae fundu
Linna de brujare e sida,
E curan dogni ferida
Chin dare calchi regalù,
E cantu faghen de malu
Sos rikkos est tolleradu.
Chi est in...

Aggravios e favores
Sun costumenes connotos,
E-a cuddos massajotos
Miseros trabagliadores
Los marcan contraventores
Ponzendelos in pispinzos
Pro si faghene unu pinzos
Netzessariu bi est s'aradu?
Chi est in...

Su poveru est su punidu
Mancheret o non mancheret,
Mancari si lu fatteret
In logu non proibidu,
Non sende e proas rnunidu
Chi giustificchet su situ,

A pretura 'enit gitu
E nd'essit bene sinnadu.
Chi est in...

Cuss'est puru una piaga
Chi penetrat a s'internu,
Prima dae su guvernu
Si che furana una paga,
Poi fragellu e istraga
Sunu de sos comunistas,
Ch'in condissiones tristas
E cantos nd'ana paradu.
Chi est in...

Bi cheret ora e ispatzios
A narrere a sa zente patza,
Bi nd'ada ater'una ratza
Appaltadores de datzios,
Chi mai s'idene satzios
De opprimer sas comunes,
Ch'est chena corda ne funes
Su Popolu incadenadu.
Chi est in...

Pro su colzu contadinu
Cussu puru est unu raju,
Unu poveru massaju
Ch'at calchi ettolitr e 'inu,
Mancu nd'assazat mischinu,
C'ada ispesas de avanzu,
E li ponene su ganzu
Si lu cheret datziadu.
Chi est in...

L'arruinan de pianta
E si li falan de coro
Ca est costumene issoro,
Si sa cuba eta' baranta
Nde li pretendin settanta
E d'est bisonzu pagarelu,
Non potende mesurarelu
Ca diventat bulluzzadu.
Chi est in...

Los tundene in coas e giuas
Los usciana che porcheddu,
Ma ancora su massajeddu
Si servit de artes suas,
Si cubas nde tenet duas
Nde lis dada a bidere una
L'esponede a sa cornuna
A sa vendita misciadu.
Chi est in...

Donzunu ingiustu misurat
E dae s'iscassu campat,
Custu truffa, cuddu trampat
Cuddu in s'impreu isfigurat,
Custu ogni bene trascurat,
Cuddu odiat, custu isfamat
Cust'aer s'anzenu bramat
Cuddu nd'est forte impignadu.
Chi est in..

Non sun sa solas impostas
Chi mandana inoramala;
Be-i ada a s'atera ala
Impiegados de postas,
Chi faghene istampas in costas,
Pro che ogare su coro
In biglietti prata e oro,
E cantu s'ana pijadu
Chi est in...

Sun chei sos canes braccos,
Ch'ischin sa fera iscoberrer
Solene plicos aberrer
Immesisciana sos pacos,
E non la faghen de maccos
Ma de malignos astutos,
Chi essende issos sos bruttos
Bi at de sos netos penadu.
Chi est in...

Faghene in sa rocca maglia,
Finas in sa pius dura,
Sa zente non est segura
Mancu in mandare unu vaglia,
C'a fronte e zerta zentaglia
Contana zente istruida,
E l'ischin fagher pulida
In modu a fine pessadu.
Chi est in..

Sos fattos chi s'arregonana
Sunu abbastanza proados,
E benzende iscobidados
A zertos bi lis perdonana;
Ch'ana impignos e tamponana
Sos regalos sun cuguzzu,
Fatende intrare in bulluzzu
Sos chi non b'an forrogadu.
Chi est in...

Si osi faeddo e tratto
No est ca so imprudente,
Dei custa ingannosa zente
Pius chi chirco nde agato,

Cantas cherides bond'atto
Proas, pro nd'esser cunvitos,
Non sende quadros fintos
Custos ch'hapo presentadu.
Chi est in...

Si sigo in custu caminu
No incontro custos solos,
Tzilleris e bendiolos
De abardente e de 'inu,
No s'est ischidu continu
Chi finas s'abba bi misciana,
E gighen daghi ammalisciana
Litru iscasciu e non marcadu?
Chi est in...

Sos buffadores supponene
Chi su giustu si lis derat,
Ma pro chi marcadu esserat
No l'ana giustu perdonene,
Ca in su litru bi ponene
De ortiju contr'a fundu,
E trappende a mesu mundu
Non est mai iscobiadu.
Chi est in...

Pessende in cantu si faghet
B'at de pianghere e riere,
E-i sos ch'andana a biere,
Si cret chi onzunu paghet
A buffare lis piaghet
Ma a pagare est dolorosu,
E si su primu est tramposu
S'ultimu l'at superadu.
Chi est in...

Pro esser ratza iscadente
Sos buffadores lassernus,
E dae custos passemus
A classe menzus de zente,
E bos do proa evidente
In modu pius seguru,
Ch'ingannana cussos puru
Peus de sos ch'amus nadu.
Chi est in...

In vassallos e signores
S' 'idet fattos disperados,
E poi sos avvocados
E-i sos procuradores
Gighen sos litigadores
Che filu frazigu in tela,
Lassende a sa clientela
S'ossu lintu e rosigadu.

Chi est in...

Ne carre ia ne morta
Lassan custos certamente,
Ascultade attentamente
Su chi m'hat fattu una ortat,
Mai l'hacre cussa porta
Ne ischida ne giampada,
Un'iscrittura privada
Apo a usu cunsultadu.
Chi est in...

Leat su codice nou
Civile e de procedura,
Cunfronta ch'in s'iscrittura
Sos articolos a prou
Est totu in favore tou
Mi nesit sa conquista,
Litiga e seguru nd' 'ista
Chi est pretu balanzadu.
Chi est in...

Chirco a sa bona sa parte
E mustrendesi rempello
Fatt'at isse sos libellos
Chi sa legge in manu est arte,
Chi gherren che unu Marte
Mi nesi, binchirrus crelu,
E deo nd'apo su chelu
A s'ora ringratziadu.
Chi est in...

Ch'in totu cussas credentzias
Comintzo a faghere ispesas,
Sas paraulas intesas
Mi pariana sententzias
A sas primas udientzias,
Sa causa andada a bolu
In carta bullada solu,
Cantu bi apo gastadu.
Chi est in...

Cantu so andadu Gesu
A tempos bonos e malos
E chentza cussu in regalos,
Isch'eo su chi b'apo ispesu,
Sas provvistas mesu mesu
Ch'in isse apo divididu,
Fidi unu cane famidu
Ma già l'apo ilgiunadu.
Chi est in...

Già so 'istadu gentile
Ch'in cussu de fide iscassu,

Cando unu porcheddu rassu
Cando un'anzone gerrile,
Sa chida de Pasca e aprile
Apposta a Tattari andei
Creide chi li portei
Su caddu imbaratzadu.
Chi est in...

Da isse tramposu e tontu
E cantu nd'apo piantu,
Poi dae intantu intantu
Dendeli summas a contu,
Cando no l'aia prontu
Bidendemi a buscia lena,
De giompere a manu anzena
Fia custrintu e fortzadu.
Chi est in...

Appende tantu promissu
Sutzessu m'est su contrariu,
Narat: D'enner s'avversario,
Cundennadu a puntu fissu,
Cando creia aer bissu
Perdei sa chistione
Chi non tenia rejone,
Corno a s'assegus m'at nadu.
Chi est in...

No est isse chi mi at gittu
L'apo fattu su rimproveru,
Ma eo puru so poveru
E de viver tenzo dirittu,
Ch'in sa limba che trinchittu,
Mi ch' 'essesit sardu, sardu
Tue est a frier su lardu
Si lu aeres balanzadu.
Chi est in...

Figurade itte faeddos
De unu fattu a duttore,
Mi pareit de umore
Pigarennos che piseddos,
E matta, ojos e cherveddos,
Murales e donzi dente,
Be-i cherfeit niente
De non che l'aere bogadu.
Chi est in...

No isco in cussu mamentu
Cale santu mi at trattesu,
Cantas bortas nd'apo intesu,
In su matessi lamentu,
Bolare che-i su entu
Son dinaris trabagliados,

Pro aere in avvocados
Meda cretidu e fidadu.
Chi est in...

Cantos frastiinan de coro,
Finamenta a sos isteddos
Peri sos usciereddos
Si faghene sa parte issoro,
Ne bois ne deo ignoro
Chi non est sa orta prima,
Chi tentan dare s'intima
Cando non b'est su chircadu.
Chi est in...

Ancora cussos s'applicana
Beru chi sunu minutzias,
Però chin cussas istutzias
Sos tres soddos multiplicana,
Comente podene la ficcana
Chie meda e chie pagu,
Custos non punghene s'agu,
Cuddos s'ispidu irrujadu.
Chi est in...

Si sos malos chirchende ando
Chena chi nde lessat francu,
Non poto faghene a mancu
De sos notarios tando
Cale de custos e cando
Ch'imbroglios fattu no ana,
Sun peddes de mala lana
E de pilu triuladu.
Chi est in...

Iscuru chie nd'at tentu
Su colpu duru e gagliardu,
Cherides pius azzardu
E piusu attrivimentu,
Faghene unu testamentu
A chie in dannu a chie in favore,
Cando fi su testadore
De mente e sensos brivadu.
Chi est in...

Pro sos males operonzos
Coglin donzi valentesa,
Fattende tott'una intesa
Bruttu erede e testimonzos,
Unende sos tramintonzos
E issoro male oldinzu,
A chie an postu ruinzu
E a chie l'an catzadu.
Chi est in...

Si bos causad'ispantu
S'intender custos divulgos,
E meigos e chirurgos
Non faghene atterrettantu,
E cantos non ana aggiantu
A disgrascia s'infortunu,
Males subra e males sunu
S'idet dae s'operadu.
Chi est in...

Si tenet proas siguras
De custos de malu coro,
Pro crescher sa paga issoro
An prolungadu sas curas,
' Ue meritana unturas
De unghentu remollante,
Chin manu dura e pesante
Sa lantzita an'impitadu.
Chi est in...

De custos de mal'inelinu,
S'at mannos isperimentos
Creschende pena e turmentos,
A cuddu infirmu mischinu
Si su male cheret binu
Li dan'abba a su contrariu,
Pro si leare salariu
Pius mannu e vantaggiadu.
Chi est in...

Bi cheret mente refina
A narrer sas cosas vistas,
E posca sos farmacistas
Cantos no nd'ana pro china,
Midone a misciu a farina
A tariffa esagerada,
E s'ispendet e mai s'ada
Su bon'esitu ispettadu.
Chi est in...

No est una orta ebbia,
Chi no l'an fattu proare,
Pro ozu e ricciu a nos dare
Fundana e ozu e olia,
E tando sa maladia
Podet benner riparada,
Cando a su birbante l'ada
Unu tramposu ajuadu.
Chi est in...

A simile zente brutta
De iscassa e nudda fide,
Iscuru e colzu creide
Cuddu chi lis giogat sutta,

Ca nd'etan sa domo rutta
Ei sa ritza nd'imbolana
Su chi campat l'iscolzolana,
Su chi morit ispeddadu.
Chi est in...

Est epoca disgrasciada
Pro sardos e furisteris,
Si tratto de ingegneris
Cantos appidu bi nd'ada
In su tracciare s'istrada,
Variare su pianu
Pro aere a sutta manu
Mannas summas incassadu.
Chi est in...

Non si podet dennegare
Su chi sos oios an bidu,
Ca si est positivu ischidu
Ch'inoghe pro resentare,
Cuddae pro no truncare
De cuddu riccu su prediu;
Una offerta, istadu est mediu,
De aer cuddos cuntentadu.
Chi est in...

De custas bruttas fainas
Ite nd'enit a s'istante,
Bastat una variante
De metros pagas chentinas,
Pro aggiunghere sas ruinas
Chentza faghene meravizzas,
De chentinajas de mizas
De liras, in su tracciadu.
Chi est in...

Meda de sos necesarios
Nde lasso pro no bastare,
S'intramos poi a chircare
Esattores commissarios,
Cantos istraordinarios
Faghene imboligos russos,
A su chi attacana cussos
Menzus mortu o traventadu.
Chi est in...

Cussos già s'ischit continu
Minten su barru a sa domo
Massimu su chi amos corno,
Est unu cane mastinu,
A dolu meu mischinu
Già mi nd'est dende e cumbata,
Fattendemi a d'ogni rata,
Postu su pizzu e leadu.

Chi est in...

Continu lu gito fattu
Levendemi che tirannu,
Eo pagaia occannu
Tres soddos de fabbricata,
Sedatajola e sedatu
Fit passende a sequestro,
Si non mill'isbrigo lestru
M'aiat istropiadu.
Chi est in...

Sa buglia fi pro pigada
M'idei in impicciu russu,
E boghendemiche cussu
It'ateru mi restada?
Solu sa dorno ispozzada
E boida cantu est manna,
Mancari aberta sa janna
Die notte aere lassadu.
Chi est in...

Ch'in bonu sensu e criteriu
Innantis de ultimare,
Pro menzus totu proare
Pensemus pius a seriu,
Non mustrat d'esser misteriu
Su piusu incumprensibile,
Su parrer chi a s'impossibile
S'ingannare est arrivadu.
Chi est in...

Si totu a giustu si medidi
In cantu a sos attropoglios,
Unu mescugliu de imbroglios
Generalmente sutzedidi
Custu su ostru non tzedidi,
Cuddos s'anzenu afferman,
Medas tra issos si gherran
Ca sun'a s'atteru at furadu.
Chi est in...

Deseriende ateros varios
Bi cheret ora e passentzia,
Lemus pro isperientzia
Avaros e usuraios,
Si fln'a como contrarios
Sezis in cantu bos ponzo
Da chi sos fattos esponzo,
Nades non apo isbagliadu.
Chi est in...

Cantos casos che at sutzessu,
Chi oe vindita pedini,

Cuddos ch'inari possedini
Dan summas a interessu
Chin pattu lecitù espressu
De lis dare in aumentu,
Finas su vinti pro chentu,
Cuntrattu disapprovadu.
Chi est in...

Pro si evitare sos males
Mizzi comente los ligana,
Sos depidores obbligana
A lis faghene cambiales
A tales chi cussos tales,
No lis fettan calchi trampa,
Però medas calch'istampa
De si ch'essire ana crobadu.
Chi est in...

Daghi asie los trattana
Sos avaros creditores,
Cussos colzos depidores
Calchi aidu puru agattana,
Prima, o appena cuntrattana
Apida sa summa in manu,
Forman s'issoro pianu
Malu, ma bene oldinzadu.
Chi est in...

Da chi asi astrintos sunu
Sa misera zentighedda,
Si ana calchi cosighedda
L'irnpotecan a aterunu,
Mudan su biancu in brunu
Fattende mala figura,
E pro chi apas s'iscrittura,
Est dinari male andadu.
Chi est in...

No apo faltzas propostas
Pro bos illuder dipintu,
E-i s'avaru est astrintu
Si nde perdet fundu e costas,
Sas cundissiones postas
De su pagherò a capu
Est a ponner a sa cuba tapu
Da ch'inu non b'at restadu.
Chi est in...

No argumento a sa torta
Bos do rejones ch'appagana,
Ma cussos puru la pagana
Troppu a caru calchi orta,
Segundu 'ue che dan borta
Che restana in cussu fossu,

Chi ungiada fin'a s'ossu
E raffios s'an pigadu.
Chi est in...

Non sunu faltzos cummentos
Ma fattos ch'amos connotu,
E cantos bois e totu
Nd'azis intesu a lamentos,
Pro similes istrumentos
De asie simulados,
Restarende arruinados
Ca nudda li s'an torradu.
Chi est in...

Donzunu 'ettat sa franca
Cuss'arte s'imparat lestra,
Su chi furat cun sa destra
Bi lis lean chin sa manca,
Totu mancari a un'anca
Si ch' 'ettan'a cussu passu,
A caminare in s'iscassu
Como est donz'unu avetzadu.
Chi est in...

Rejone e proas mancari
Pro nde dare apo bastante,
Creditore e depidante,
Si traccollan pari pari,
E carattere e dinari
Andat totu male peri
Restende cuddu usureri
Aggangadore aggangadu.
Chi est in...

A vicenda su dolore
Si comunican creide,
E creditu e bona fide
Perde cuddu depidore,
Unu si endet s'onore
E-i s'atteru sa fama,
E brujan in duna fiamma
Ambos pro unu peccadu.
Chi est in...

An sas culpas e castigu
A cumone e a bulusciu,
E che faghene negusciu
De fae, de orzu e trigu,
Est modernu e usu antigu
Ch'in similes congiunturas,
Trattare duas misuras
Est sistema pratigadu.
Chi est in...

E chie mai difendere
Podet custu abbandonare,
Una manna a comporare
S'atera minore a bendere,
Sa prima pro pagu ispendere
Cando sa merce acquistana
S'ultima proite achistana,
In bender su comporadu.
Chi est in...

Asie creschen sas buscias
Sos chi l'ana a.magasinos,
Chie l'ada in ispoltinios
O calchi punzu in sa luscia,
Gighene diversa istuscia
Mazzore a cussa ingannosa,
E pro issos pius lucrosa
De sa chi azis iscultadu.
Chi est in...

Benzende a finire martu,
Passadu jerru e atunzu
Sos chi nd'ana calchi punzu,
Faghene pius risaltu
Si nde prestana calchi cartu
Pro s'interessu cumpresu,
Nde lis torran cartu e mesu
Appenas ch'ana incunzadu.
Chi est in...

Dae fundos de niente
Ricavan summas interas,
E sunu custas maneras
De trattare onestamente
Est custu fagher de zente
Chi tenet religione
Est tanta angariascione,
A Deus mai aggradadu.
Chi est in...

S'iscassu a su giustu gherra
Faghet no medas chi nono,
Si prosigo tocco e sono
Corda de ogni chiterra
Ca semus totu una terra
Chi fidi Adamo cun Eva,
E in affares de leva
Cantas funes an filadu.
Chi est in...

A dare a totu rejones
Bi cheret tempus in rima
A dies de oe e prima
Pro faghene esentziones,

Unu tatzu de imbrogliones
Mustradeli buscia aberta,
Pro manna o minore offerta,
E cantos nd'ana esentadu.
Chi est in...

Dinaris pro s'acciapare
E cant'imboligad'ana,
E medas chi nd'isfrancana
Non bi deviana andare,
E faghian dimustrare
Chi fin'issoro manizzos
Appaghende sos disizzos
Dei cuddu babbu buffonadu.
Chi est in...

Dei custu quadru vivu
Sos fatto plus che veru,
E s'est andare a beru
Nisciunu nd'eniat privu,
Ca est fattu positivu
Legge fatta e approvada,
Chi un'atteru bi nd'ada
Pro lu render surrogadu.
Chi est in...

Comente e tale mancantzia
No iscalmen sos isgabbos,
De cantas mamas e babbos
Fin cussos tota isperantzia,
E insoro cunfidantzia
De los sustennere in betzesa,
E ingannosa finesa
Nd'at cussos colzos privadu.
Chi est in...

Isfido a fagheremi ischire
Cussos imbrogliones mannos
Comente similes dannos
Si ana podere risarcire,
Comente mai adempire
Vera restitussione
Comente e cale rejone
Benzat s'omine iscujadu.
Chi est in...

Creo non mi potan dare
Risposta a taldu e ne a prestu,
Sos nados e-i su restu
Chena nd'individuare,
Curren a proas a pare
Totu in s'istrada perversa,
Andende in via diversa
De chie at bene caminadu.

Chi est in...

A nd'incontrare oe giustos
Chircare est muscas biancas,
S'est'a narrer e sas brancas,
Cussos ismentígan custos
Cantos in pena e assustos
Cantos sun'oe in tempesta,
E cantos males de testa
Cantos nd'ana isbilanciadu.
Chi est in

No sun pro me cosas dabbiles
Faghinde deserissiones,
Sun furtos de millones
Sun dannos incalculabiles
Sun piaes incurabiles
Sun chentza mediu males,
Sun armas micidiales
Sun ferros ch'ana iscannadu.
Chi est in...

Cantos sun bennidos mancu
De sos ch' 'inaris teniana,
Ca cunservadu s'aiana
De sos bigliettes biancos,
De trinta e de pius francos
Sunu totu andados male,
Chi de su colpu fatale,
Chi est mortu chi est lantadu.
Chi est in...

Ite frizzas velenosas
A dolu de sa Sardigna,
Cantas dadas in cunsigna
Summa mannas e vistas,
Pro las render fruttuosas
Chin su promissu interesse
In-d-una, in-d-una e impresse,
Fundu e fruttos s'an pijadu.
Chi est in...

De protzessos a muntones
Nd'at fattu e sun tottu istupos,
A sa destra amus sos lupos
A sa manca sos leones
A parte e segus matzones,
E de rimpettu sas trighes
Ma giurados e giuighes,
Già an sos malos castigados.
Chi est in...

Vinti unu milione
S'an'appidu mannos mannos,

Dadu lis an pagos annos
De pena e reclusione,
Si crabittu o calchi anzone
Unu furada e s'iscapada
Forsi pius pena acciapada,
Tando nachi an cundennadu.
Chi est in...

Totu a su bonu recusana
E in su malu s'impreana,
Cuddos s'anzenu si leana
Custos de s'impreu abusana,
E tantos ateros usana
Ponnere una giusta lite,
Ateros, ma e proite
Nde lasso chena chircadu.
Chi est in...

A dite tando ispetto
Proite s'ordine taglio,
Si a calicunu caglio
Nades chi sa cappa eto,
Prosigo tando e profetto
De su presente momentu,
Non nedas chi mi so tentu
Chin tzertos cauteladu.
Chi est in...

Pro no esser partziale
Fatto a bois sa pregunta,
E sindigos e giunta
E cossizzu comunale,
S'amministran bene o male
Dade 'ois sa risposta
Esaminade ogni imposta
E tassas chi amos pagadu.
Chi est in...

Cando a sa comunidade
S'imponen sos pagamenti,
Sunu sos ripartimentos
Fattos ch'in equidade,
Cunforma a sa calidade
E giusta a sa possidentzia,
E chi cale diligentzia
An sa 'idda amministradu.
Chi est in...

E chin cuddos poveritos
Ch'han solu su chelu a bidere,
Lasso a bois a detzidere
Comente si sian gitos,
Si de cuddos bonos drittos
Chi gosan sos tzittadinos,

Nd'apana cussos meschinos
Chei sos riccos profettadu.
Chi est in...

Si comente azis intesu
Faghides osservassione
In cussa amministratzione
No est chena mancia in mesu,
Osservade 'ene su pesu
Vigilade ogni misura,
Chi non est chentza bruttura,
Ludu malu impasticciadu.
Chi est in...

Pro esser bene connotu
Cando est pubblica seduta,
Andade-bei un'iscuta
E tezis bider chi totu,
Onzunu est dende su votu
Giaru pro domo sua,
Fattende in giaru e a cua
Ingiustu deliberadu.
Chi est in...

Pro render sa zente afflita
Nos tassan finas a sa luna,
Si si voterat carcuna
Opera mesu onita,
E cantas bortas iscritta
Benidi in sensos contrarios
Ca vices e segretarios
Nudda nd'at chirzeniadu.
Chi est in...

Totu da una mamidda
Paren ch'apan sutu e suana,
Ancora cussos b'ajuana
A ponner fogu a sa 'idda,
Chie atzendet s'ischintidda
Chie ponet linna a fascia,
Paren de unu truncu ascia
O ratos ch'in d'an segadu.
Chi est in.

A dare ispiegascione
De totu troppu illongamus,
Si dae poi ch'intramus
In fattos d'eletziones
In cantas tribulasciones
Non ponen sos'elettores,
Pro tenner votos mazzores
Cuddu indignu a deputadu.
Chi est in...

Nde leana a tantu incuru
Chi sos votantes custringos
S' idene a fortza e ispintos
A fagher calchi ispergiuru,
Non est custu fagher puru
ingannu grave e dannosu,
Non sende cuscentziosu
Su votu in s'urna etadu.
Chi est in...

Ponzendelos in penseris
Si minetan si maltratat,
Su matessi est si si trattat,
De votare cussizeris
S'in custu non mi preferis
Li narat:iscuru a tie,
Fortzende a votare a chie
Est de meritu ispozzadu.
Chi est in...

A su tirocca tirocca,
Resessin in sos intentos,
E tando sos pagamenti
Nos pioen che fiocca,
Chi finamenta sa rocca,
Tia dever benner mancu,
A chie lassende francu
A chie troppu aggravadu.
Chi est in...

Chi si costumat de gai
S'ischit pro chi non si nerat,
E cumandadu chi esserat
Si no si faghet guai,
Sunu assiones chi mai
Si poden ismentigare
Ch'est privu de si parare
Su poveru unu fiadu.
Chi est in...

Si semper non l'ada in manu
Si calculet unu zero,
Ca si lu lassat a sero,
No l'incontras a manzanu,
Ch'ana a curzu e a lontanu
Agentes de los servire,
Pro gighere e pro atire
Cantu si at de irrobadu.
Chi est in...

Sun cosas giaras e bidas,
In biddas e in tzittades
E cantas disamistades
Dae cussu sutzedidas,

Cantas robas istruidas
Totu pro cussos dispettos,
E cantos bravos suggesttos
Chena culpa an protzessadu.
Chi est in...

A podes tando pessare
E narrer custu e-i cuddu,
Ch'est ossu chi b'at neuddu
E pulpa de rosigare;
Cando che canes tra pare,
S'istrisinin pro lu ottenner
E da chi l'an pro lu tenner,
In francas chentza iscappadu.
Chi est in...

Intendermi narrer tantu
So de su discussu e parrer
Tue solu: azis a narrer
Chi s'est bonu giustu e santu,
Tiamus cherrere unu cantu
De s'abidu a lu 'asare,
E sorte a ti gaitare
Pro morrer martirizzadu.
Chi est in...

Sa risposta l'apo a manu
E bos la dò salvu errore:
Ancor'eo peccadore
So e malu cristianu,
Fit presumiremi invanu,
Simile a su fariseu
Si sera; de culpas reu
No so e ne mai 'istadu.
Chi est in...

Fidi a mi cherrer bettare
Unu fintu e faltzu velu,
Ma grassias nd'apat su chelu
E nde li devo torrare
Dae peccare a peccare
Be-i at diversidade,
Malu est pro fragilidade
Peus s'est abituadu.
Chi est in...

Osservet chi 'asi allegat
Su ch'in Cristos sutzedesit
Unu Giudas lu 'endesit
Unu Pedru lu rinnegat,
Si pentit s'ultimu e pregat
Su primu si disisperat,
Chi est chi Pedru nerzerat
Ch'est Giudas grande ostinadu.

Chi est in...

Non chilco faltzu pretestu
Pro ch'in s'argumentu insista,
Trasgredesit su salmista
Su cumandamentu sestu,
Un'Erode disonestu
Fit puru lussuriosu,
E-i su male gravosu
Ambos l'ana aumentadu.
Chi est in...

Non est faltza teoria
Veridade pura e netta,
Pro peccare su profeta
Nd' 'enit sa morte a Uria,
Da Erode presonia
E morte a su precursore,
Ruende in tott'unu errore
Ma Davide s'est rialtadu.
Chi est in...

Ambos istesini ruttos
In sos matessi peccados,
Ma non sun che pare dados
A totu sos fiscios bruttos,
E s' 'idea dae sos fruttos
Ca sa sorte s'est ischida
Comente l'apan finida
Unu saivu unu dannadu.
Chi est in...

Custas non sun finziones
No sende fattos estraneos,
No fini cuntemporaneos
Ma b' 'istan sos paragones
Repito a cussas persones
No solu so unu santu
Ma no merito su antu,
De omine ismalisciadu.
Chi est in...

No poto essere innotzente
Ne pro tale riconnotu,
Send'eo comente e totu
De Adamo discendente,
De terra non differente
Cumpostu in ossu e in pulpa
Tando in fragilesa e in culpa,
B'apo ancor'eo eredadu.
Chi est in...

Tezis proseghire nende
Miradebollu a sa vista,
Si non paret su Battista

Dogni fisciu cumbattende
Isse matessi fit nende
Corno, como azis intesu,
Pro trampare mesu mesu
A sa buttega est andadu.
Chi est in...

S'azis de distingher donos
Cussa est grassia e Deu,
Ca si su biglietto meu
Fidi 'istadu e sos bonos,
Fini restados padronos
E si l'aiana ressu
Restend'eo in s'interessu
Dae issos buffonadu.
Chi est in...

Subra a sa mia cussentzia
Pro chi si fattat ostaculu,
S' 'idet tando chi est miraculu,
De sa grande provvidentzia,
Ca b'est tota sa credentzia
Ch'issos roba mala dendemi,
Si m'aeren bidu iinpichendemi,
No mind'aian torradu.
Chi est in...

Deus tando e itte at fattu
Ischende s'induta issoro,
M'at postu in mente e in coro
De fagher cussu iscumbattu,
De sa grassia unu trattu
Finidu an sas nostras artes
Chi manc'una de sas partes
Bi amus discapitadu.
Chi est in...

Mancari a fagher andedas
Tzertas osservassiones,
Bisonzat chi a sas rejones
Boza o non boza b' 'istedas
Ca pro chi bos impignedas
Ponnere a su sole reparu
Semper lughet semper est giaru,
Non podet benner oscuradu.
Chi est in...

Creidelu ch'est asie
Ch'isse risprendet tottue,
Si ad'a ponnere una nue,
Como inoghe e tando igue,
Ma sempre intantu sa die
Faghet fuire sa notte
Pro sa sua bella dote,

Chi Deus l'ada assegnadu.
Chi est in...

Cumbinchidos pro restare
Bos ponzo custos retrattos,
Ch'in sos riferidos fattos
Non tezis poder negare,
De chi su male operare
Est unu fagher comune,
De modu chi cadeune
Si at difettu incontradu.
Chi est in...

Chi sa passione atzegat
Si proat a totu paris,
Pro valore e ses dinaris
S'anima e corpus s'intregat
Cantu est de fide si negat
E-i su. falztu si affirmat,
Totu custu chi est cunfirmat
Su mundu iscumpaginadu.
Chi est in...

Sos fattos postos presente
Ten parrere esagerados,
Ma cunforma a sos cagliados
Sos nados sunu niente,
Ca no nde podet sa mente
Esprimere giustu cuntzettu,
Sende ogni santu pretzettu
Da onzunu abbominadu.
Chi est in...

Sas operas malas tantas
E malu cumportamentu,
Donz'ora e donzi momentu
Nos mustrat chi totu cantas,
Sas legges sacras e santas
Dadas Deus a Mosè,
Donz'unu sutta su pe'
S'at postu e appetigadu.
Chi est in...

Sos ingannos sa discordia,
An donz'ordine interrottu
E-i sas operas totu
Nadas de misericordia,
Praticadas chin cuncordia
Sunu como e cando mai,
E si aggiunghet pius guai
A su corzu isfortunadu.
Chi est in...

Deus cherfat cussos tales

Pottana ottenner perdonu,
E cantas in abbandonu
Si nd'at de sas corporales,
Chin sas ispirituales
Paret chi a su coro umanu
Nd'apan sacrilega manu,
Sa memoria cancelladu.
Chi est in...

Pro esser bene adempidos
Sos puntos religiosos,
In tempos calamitosos
Si alimentan sos famidos,
Si satzian sos sididos
E-i su nudu est bestidu,
Su pellegrinu est coglidu,
E-i s'infirmu visitadu.
Chi est in...

Pro sos fruttos chi produini
Custos tantu copiosos,
Cossizan sos dubiosos
Sos ignorantes s'istruini,
S'ammonin sos chi non fuini
Sos abitos maleitos,
Si consolan sos afflittos
Est s'aggraviu perdonadu.
Chi est in...

In custas ocasiones
Epoca de tribulentzia,
Suportada cun passentzia
Sun sas molestas persones,
Si pregan chin orassiones
Pro 'ios e pro sos mortos,
Mentire sezis resortos
Si reprovades su nadu.
Chi est in...

Si vive a su revessu
Male aggiunghende a males,
Sos peccados capitales
Sorgente de ogni etzessu,
Ana leadu possu
In tottugantos sos coros,
Turcos ereticos moros
Non ana tantu abusadu.
Chi est in...

Nisciunu de bonu at mira
Pratichende ogni ingiustitia,
Superbia e avaratzia
Sa lussuria e-i s'ira,
Faghene totu una tira

Chin sa 'ula e chin s'invidia
Chin s'ultima chi est s'accidia,
An s'universu inondadu.
Chi est in...

Torrademi sa risposta,
Chi domando subra a cue
Sunu nademi e inue
Cuddas virtudes appostas,
Adattadas e dispostas
Pro las binchere totu nade,
Cand'est c'at s'umanidade
Sa superbia superadu.
Chi est in...

Chi totu bos manifeste
Bi cheret tempus e ora,
Sa libertade ancora
Contr'avarissia u'este,
E pro chi cunvintu reste
S'ind'apat de sa lussuria,
De cussu fogu sa furia
Sa castidade istudadu.
Chi est in...

Cantu bi cheret prudentzia
A bos ponner totu in mira,
E passenzia contra a ira
E contra a gula, astinentzia,
Non nd'amus s'isperientzia
Chi an cumbatter tzedidu,
E-i sas armas frundidu
Perdende cando an gherradu.
Chi est in...

Est costumene modernu
E antiga sa perfidia,
E ch'issu apat de s'invidia,
Ue est s'amore fraternu
Cando odiu semper eternu
Est de sos coros turmentu,
A cuddos ch' 'iden cuntentu
Su prossimu sollevadu.
Chi est in...

Chena fagher differentzia
E ne tempus induire,
Tia cherrere ancora ischire
Inu'est sa diligentzia,
E amore e frequentzia
In amare a Deus fissu,
Chi appat s'accidia issu
E respintu e reparadu.
Chi est in...

Sun che armas attaccadas
A ruinzu e non resistini,
Sos fiscios donz'unu esistini
Chin maliscias propagadas,
Ma sas virtudes mancadas
Sun dae meda est tzertu,
E curret a campu abertu
Su male, a malu affretadu.
Chi est in...

Cumbenit narrer isclamende
Pro nois ite acquisti,
De sos suores de Cristos
Pro tres annos preighende
E miraculos fatende
In totu su mundu interu,
Pro cunfirmare in su veru
Donzi naschidu e criadu.
Chi est in...

Signore cussas dottrinas.
Ispaltas pro nos salvare,
Oe est totu che a dare
Fumu a su 'entu e chejna,
De sa grassia divina
Fruttu de su nostru amore,
Nd'at donz'unu su valore
Frundidu e dispretziadu.
Chi est in...

Deus bennidu in persone,
Pro nde pesare sos rutos
' Ue sun puru sos fruttos
De sa morte e passione,
' Ue est sa religione
Dae 'Ois raccumandada,
U'est sa legge sagrada
Chi 'Ois azis dittadu.
Chi est in...

Signore totu clementzia,
Si penetramus in cue,
Mancana inoghe e totue
Pretzettos ubbidientzia,
E amore e reverentzia
A Bois babbu amorosu,
Samben santu pretziosu
Inutilmente versadu.
Chi est in...

De sa mundana patzia
De s'inferru conquista,
Presentare totu in vista
Non bi cheret mente mia,

Ca sa mala fantasia
S'est totue impadronida,
Ho religione abolida
Tesoro in su fogu 'ettadu.
Chi est in...

It'epoca maleita
Gesù ite tempus connotu,
Sas cosas criadas totu
Paren gridene vendita,
Pro sa terribile isconfita,
A fide e cumandamentos
Chi an sos bonos sentimientos
Donzi coro abandonadu.
Chi est in...

Su modu chi mi so gittu
Non si mi dede approvare,
Ma bos devo cunfirmare
Cant'apo nadu e iscrittu,
Chi cale si siat situ
Chi fissedas sas miradas,
Si ad'animas barattadas
E de cussentzia mercadu.
Chi est in...

Totu an sighidu sa via
De s'isbagliadu caminu,
De pessimu e malu inelinu
No est sa zentaglia ebbia,
Paret esser maladia
Chi s'est in totue difusa,
E in sos coros infusa
chentza eccezzione e gradu.
Chi est in...

Totu si bene osservades
Zente bascia e alta isfera,
Leadu sa carriera
De sas iniquidades,
Odios e malignidades
Generalmente aumentat
Chi nisciunu oe s'ammentat
Pro cale fine est criadu.
Chi est in...

Sa zente tota s'est dada
A s'ingannu a s'avaritzia,
Ancora in sa militzia,
E cantos no be-i nd'ada,
Su malu fattende istrada
Pro mesu de calchi impignu,
Cuddu bravu e pius dignu
Pro nudda cunsideradu.

Chi est in...

Est interrottu e confusu
S'ordine e-i sa veridade,
De modu chi giustidade
Non si nd'incontrat piusu,
Est morta e fora e usu
Bona vide e litzitesa,
E si sigo in custa impresa
Ateru 'enit mentovadu.
Chi est in...

Insumma totu difettana,
O mancana, o pagu o tantu,
Nemmancu pro s'ozu santu
Tra compares si rispettana,
Dadu su casu profettana
Totu de sa circostantzia,
Pro ingannare in sustantzia
Donz'unu est interessadu.
Chi est in...

Si m'isto in custu trattesu
Cantos males bogo a pizu,
Ancora tra babbu e fizu
Bi at puru ingannu in mesu,
Cantu non amos intesu
Prima de oe contare,
Dae sa domo a furare
Su fizu male inclinadu.
Chi est in...

Dei custos isandalizos
Pius mannos si nde dada,
Cantos babbos puru b'ada
Chi arruinan sos fizos,
Ca pro sos malos cussizos
E bruttos issoro esempiis
Diventana pius empios
De su babbu iscostumadu.
Chi est in...

E cantas si mi presentana
Immagines luttuosas,
B'ad'ancora atteras cosas
Chi sos males aumentana,
Cantos poi non diventana
Tirannos ch'in sas muzeres
Ca a sos bratzos e poderes
S'est cuddu a s'atera dadu.
Chi est in...

Brivos de mente e sentidos
Sighin su male creschendelu,

E-a sa famiglia lendelu
Sos tribaglios divididos,
Benini, o los dana unidos
A s'amiga iscandalosa,
Fizos lassende e isposa
A casu disisperadu.
Chi est in...

De norma a donz'unu servada
Sos fattos istabilidos,
Tra muzeres e maridos
Cantu custu non si osservada,
Ca non donzunu cunservada
In cussa sotziedade
S'amore e fidelidade
Chi ana in s'altare giuradu.
Chi est in...

E cantu in sos coniugales
Donzi gradu de persones,
S'iden separassiones
Pro sas piusu ilegales,
Si motivos immorales
Bi apat o no l'ischi chie,
Ma totu est rejone a mie
Ca donzi modu an mancadu.
Chi est in...

Chin proas cantas bos dò
Sos puntos b'enin dezisos,
Pro esser gai divisos
B'est cussu motivu o no,
No sende-bei e sò
In drittu a poder sustennere,
Chi si devian mantennere
Unidos in tale istadu.
Chi est in...

Benzende totu ammittidu
Sigo subra a custu abusu,
E si no b'est, so piusu
In rejones assistidu,
C'an custos tando abolidu
Fide onore e sacramento,
E risultat s'argumentu
Pius forte e assodadu.
Chi est in...

Acco mustradu in ladinu
S'onore dei custos congiuntos,
Proende ch'in ambos puntos
Chi male faghen continu
Ch'in leare su caminu
De non 'istare a su fattu,

Ca Cristos tale cuntrattu
A sacramentos innaltzadu.
Chi est in...

E fizas arruinadas
E cantas dae sas mammas,
Pro soddisfagher sas bramas
De l'as bidere cojuadas
Chena mancu isviluppadas
Filos bettana dae onz'ala
E medas inoramala
Dae cussu nde ada andadu.
Chi est in...

Lis solene procurare
Chin sos dannos vituperios,
De sa vide sos misterios
Chentza mancu lis trattare:
Tentan de las cojuare
Sa mama frenidicosa,
E de sa candida rosa
Sas fozas nd'ada allizadu.
Chi est in...

B'at tzertas mammas ancora
Pro 'enner sa ratza miscia,
Chi las ponen in maliscia
Nende: Chin custu innamora
Non perdas tempus ne ora
Ch'est a faghene bella pisca,
E ponen fogu a sa lisca
Chin su linu argadadu.
Chi est in...

E cantas nd'ana opprimidu
A fagher s'amore prontos,
E-a sa fine e sos contos
An fijos chena maridu,
Cantu sas mammas an bordidu
Fit totu filadu puntu,
Pro cussu s'opera e puntu
Tentu at malu risultadu.
Chi est in...

Dae sos malos cossizos
Subravenin sos isgabbos,
Sende sas mammas e babbos
Trampas, inboligos pizos,
Pro forza fizas e fijos
Deven bessire uguals
Sende cosas naturales
Est semper isperimentadu.
Chi est in...

Est fattu tzertu e ischidu
Chi no ammitit cuntrastu,
Sende salvure guastu
Mai dat fruttu cumpridu,
Si est manciadu fioridu
Non b'enit a maduresa
Si custu est fortilesa
A s'argamentu trattadu.
Chi est in...

Totu pro nostras ruinas
Semus a peccare amantes
E poi sos'insegnantes
De mascios e de feminas,
Catechismos e dottrinas
Mai pius si nde trattada,
Che cando no si nde agattada,
Sepoltura lis an dadu.
Chi est in...

Si los chirco totugantos
Mai pius la finimus
E dae cussu 'idimus
No crene in Deus e santos,
E tando no sunu ispantos
Chi s'umanidade tota,
Siat guasta e corrota
E mala in donzi operadu.
Chi est in...

Si sun bene esaminados
Sos fattos chi s'autenticana,
Cantos poi non immenticana
De cumprire a sos legados,
Babbos e mamas lassados
Sende in s'ultima agonia,
Trattende cun tirannia
Sos chi s'esser lis an dadu.
Chi est in...

De s'obbligu non curantes
Chin coro duru che ferru,
Lassana in cussu disterru
Cussas animas purgantes,
Chi pro render benistantes
Fizos e fruttu accanidu,
Cantu in su mundu suffridu
Ten'aere e sueradu.
Chi est in...

E-i cussos erederis
Brivos de bonos giudiscios,
Nd'an pro nd'ispendere in fiscios
In giogos e in tzilleris,

E oe sun peus de deris,
Fattende iscialaquadas
Lassende no sufragadas,
Sa chi an pro issos pessadu.
Chi est in...

Sas culpas chi richiedini
Castigos ca lu meritana,
E-i sas domo chi abitana
E benes ch'issos possedini
Fin de cussas chi lis pedini
Ajutoriu e sufraggiu,
E chin barbaru coraggiu
No cumprini a su legadu.
Chi est in...

De sas chi sunu sufrende
In cussas duras fiamas,
E cantos babbos e mamas
Bi ted'aere iscontende
Culpas, commissas vivende
Pro fagher sienda crene,
A cussos chi ogni bene
Est pro issos vinculadu.
Chi est in...

Cantu cudrele e dannosos
Diventan cussos trascurros,
S'esser gasi troppu duros
Chin sos tantu generosos
Non sun contos favolosos
Chi s'ingannare est de moda,
E de su mundu sa roda
A su revessu at giradu.
Chi est in...

Non sun sos fattos regoltos
Vanos giuzios mios,
Cuddas afligin sos bios
Custos turmentan sos mortos,
Ateros chin faltzos rapportos
Denigran s'onore anzenu
Bettende fogu e velenu
Contr'a su colzu odiadu.
Chi est in...

Est una fornace ardente
Su mundu e bastet ch'in custu,
Pro devorare su giustu
S'iscassu at forza imponente,
Chi est miraculu comente
No crollet cust'edifitziu
Sende contra e non propitziu,
Cant'at Deus ordinadu.

Chi est in...

Paren tempos malaitos
Che chi legge no esistat,
Cal'est oe cuddu ch' 'istat
A sos ordines prescrittos,
Superiores e sudditos
Mancan tottu a su dovere,
E chena chi 'eo lu nere
Est fattu verificadu.
Chi est in...

In culpas e in errores
Sos chi non ruen trambucan,
Sos pitzinnos non si educan
Dae sos pius mazzores,
E nd'enit chi sos minores
A sos mannos non rispettana
E in s'iferru si ch' 'ettana
Chi infattu, chie coladu.
Chi est in...

Lu repito ogni momentu
Tottue ingannu s'agatat
Contu si faghet e trattat
No est chena traighimentu
Sos mannos sunu turmentu
E de trappare modellu,
Sos minores sun fragellu
Ch'an da issos imparadu.
Chi est in...

S'esseret totu a chircare,
Bi cheret dies e nottes
De padres e sacerdotes
No mi devia occupare
Devendesi rispettare
Pro sa dignidade ch'ana,
Est morale santa e sana
An cussos istudiadu.
Chi est in...

Narrer però est dezente
Pro sighire su discursu,
tzertos postos pro cuncursu
Dados, o privadamente
Non sun semper tzertamente
Adattos a sas personas
Mentres ca cuddas pius bonas
E dignas, benit negadu.
Chi est in...

M' 'ido a la narrer custrintu
Comente la sento in coro,

Medas bortas paret oro
Su ramine bene tintu,
E si manu mastra at pintu
Una carta fiorada,
Paret de istoffa dorada
Ma est s'arte chi at giogadu.
Chi est in...

Ch'in custu bos cherzo narre
Chi bi nd'at pius de tantos,
Figurende in faccia santos
Sun dimonios in carre,
Ca semper a su bonu parre
Non corrisponder s'essenzia
E non nd'ada isperientzia
Sas proas ch'at somministradu.
Chi est in...

Casos a custu uguale,
Cantu nd'amus oe in pratica,
Sutta una drammatica
Pianeta, o piviale,
O abidu clericale
A b'aere un'insolente,
Ch'ada arte 'e su serpente
Ch'Adamo ed Eva at tentadu.
Chi est in...

Non nedas chi sunu insultos
Podides narrer sun raros,
Ma si sun pagos sos gjaros
Cantos no bi nd'ada occultos
Dados a sos sacros cultos
Chin sa santa istola a coddu,
E ana a su Deus soddu
Corpus e anima dadu.
Chi est in...

De una terra impastados
Semus e totu che pare
De padres a faeddare
Como che contana andados,
E de sos pagos restados
Chi sunu oe in mesu a nois,
Dade sa risposta 'ois
In modu ispassionadu.
Chi est in...

Mi azis a narrere imprudente
Ca a custos offender pesso,
Ancor' 'eo lu cunfesso
Cherfende narrer niente,
De cussa sagrada zente
Apo nadu finas troppu,

Ma nudd'ateru est s'iscopu
Che proare su trattadu.
Chi est in...

Dae ispiritu fantasticu,
No so gitu pro rancore,
M'appenas chi malu odore
Tramandat s'eccelesiasticu,
Est che unu filu lasticu
Chi minore si presentat
Ma creschet e aumentat
A misura chi est tiradu.
Chi est in...

Sos chi pro pagu no mirana
A si sustenner in decoro,
Chi su malu esempiu issoro,
E cantos a issos nde tirana,
Si malaria respirana
Mandan puzzolente alenu
Ed est subitu in velenu,
Su balsamu giambiadu.
Chi est in...

S'issoro fragilidade
Issos puru an, cumpatidelos,
In su chi naran sighidelos
In faghene attentu dade,
Su ch'est de bonu leade,
Su chi est de malu fuidelu
E totu in manos ponidelu
De Deus depositadu.
Chi est in....

Fia prepostu e coro
Cagliare cussas persones,
Ma custas sunu rejones
Chi s'andan'a bonu issoro,
E las amo e adoro
In missa e cando preigan
Ma males anzenos meigan
Ei s'insoro incuradu.
Chi est in...

Chircade cantu cherides
De pius ch'atraessades
Ue giustiscia isperades
Ingiustiscia bi 'idides,
Cuddos sos cales tenides
Piusu in bonu cuntzettu,
E unu faltzu suspettu
Su chi bos at guidadu.
Chi est in...

Cal'est oe chi produit
Fruttos de bonos effettos,
Cando sos santos pretzetos
Trascurat donz'unu e fuit,
Si comintzat e concruit
Sa vida male operende.
Culpas a culpas aggianghende
In numeru isterminadu.
Chi est in...

Si si pesat e bilanciat
Su giustu s' 'idet bastante,
Custu est unu perturbante
Cuddu su ch' 'idet s'afrancat,
Custu nende male manciat
S'onore a cudda innozente,
Cuddu est devotu apparente
E sepulcru imbiancadu.
Chi est in...

Dae sos fattos risultat
Ch'in giustas sun sas medidas,
Sas cosas non permittidas
Custu faghet, cuddu occultat,
Chie murmurat chie iscultat
Su faltzu chin piaghene,
Tando a su malu est de credere
Chi tottu an partecipadu.
Chi est in...

Ne una orta nen chentu
Si proat chi pro ingrassare,
Cuddos devidu an formare
Su pianu, s'andamentu,
Custos ateros an tentu
Prontesa in eseguire,
Cantu sos primos ordire
Ana ischidu e ideadu.
Chi est in...

Nisciunu legges rispettat
Nen de s'anima si curat,
Chie cussizat chie furat
E chie sa capa etat
E chie in domo atzetat
Sa roba male acherida,
Fattende tott'una vida
De pessimu costumadu.
Chi est in...

Essende da ingannosos
Non sun poveros nen riccos,
Poi custos impudicos
Lascivios lussoriosos,

In pitzinnia fisciosos
A mesa edade isfrenados,
In betzesa irregulados
Donzi fisciu an cunservadu.
Chi est in...

Sos ch'ana pro isventura
Cus'abitu disonestu,
Si servin de su pretestu
Nerzende ch'in faccia impura
Devende aer sa natura
Unu isfogu naturale,
Donzi naschidu e mortale
B'est a fortza trasportadu.
Chi est in...

Erroneu paragone,
Rispondo a sos isfrenados,
Ca sos omnes dottados
De anima e de rejone
Deven donzi passione
Frenare s'est disonesta,
Affrontende ogni tempesta
Ch'induidi a su peccadu.
Chi est in...

Cumbenit ch'iscan sol tales
Dogni fisciu respintu,
Pro natura e pro istintu
Operan sos animales,
Essende irratzionales
Brivos de ogni scienzia,
E anima ne cuscenza
No at Deus a custos dadu.
Chi est in...

Cussas bestias iscuras
Nisciunu donu an retzidu,
Ma s'omine preferidu
A totu sas criaduras
Medios usende e curas
Pro ch'in s'errore non ruada,
B'est Deus chi lu ajuada
Semper e cando est invocadu.
Chi est in...

Si s'omine lu cherferet
Semper a Deus at in difesa,
Ch' 'inchet sa naturalesa
Est faltzu pro chi si neret,
Cantu Deus a fagher cheret
Totu a s'omine est possibile,
No appende a s'impossibile
Isse a nisciunu obligadu.

Chi est in...

Semper iscujas adduende
'Istana sa zente mala,
Lassendelos a un'ala
Custos a parte ponzende
Semper ancora 'idende
Chi bi nd'at ateros puru,
Chi pro su tzertu e seguru
S'intzertu an primegiadu.
Chi est in...

Cust'atera fratzione
S'incontrat puru chi seccana,
Chi crene in Deus ma peccana,
De vana presunzione.
Naran: Su bonu ladrone
Non fi puru peccadore
Eppuru Nostru Signore
L'at assoltu e perdonadu.
Chi est in...

Sa risposta si dat lestra
Donzunu a favore suos,
Cussos ladros fini duos
Unu a sinistra e unu a destra,
Ma sa grassia maestra
Unu solu la retzesit,
E-i s'atteru restesit
Inassoltu imperdonadu.
Chi est in...

Bisonzat cunsiderare
Repito a cussas persones,
Si unu de sos ladrones
Promittit tantu isperare,
S'atteru faghet tremare
Dae testa fin'a pese
Essende a totu palese
Chi a s'inferru est andadu.
Chi est in...

Argumentende a sa dritta
Si arrejonat cun cuncordia,
Deus est de miserincordia
E potestade infinita.
Ma est veridade iscritta
Chi sa potentzia ch'ada
Infinita illimitada
Donzi cosa at reguladu.
Chi est in...

Su dimoniu chin promissas
Ingannat pro chi at maliscia,
Miseringordia e giustiscia

Sunu intrinsicas tra issas,
De comune accordu fissas
Sustenen s'issoro drittu
Chentza chi mai traitu,
Siat ne pregiudicadu.
Chi est in...

S'ingannat chie sospettat,
Diversamente e lu creat
Nisciunu dei custas leat
Sa chi a s'atera ispettat,
Dae ambas si rispettat
Cantu an de sacru atributu
Ca Deus mere assolutu
At totu bene assestadu.
Chi est in...

Deus giustissimo essende
A fagher su giustu obligat,
E premiat e castigat
Semper esattu misurende
Diversamente operende
A s'ora nd'eniat custu,
Chi diat essere ingiustu
Eresia si est pessadu.
Chi est in...

Deus chi dae niente
Chelu inferru e totu at fattu
Ch'in dunu tzinnu e un'attu
Essende isse onnipotente
Destruerlu totalmente
Si lu cheret podet puru
Ma non lu faghet siguru
Ca eternu l'at formadu.
Chi est in...

Preigada unu Frantziscu,
Riprendende ogni mancantzia,
Pro una intzerta isperantzia
Ponner s'anima in arriscu,
Est che unu lizu friscu
Postu in su fogu a calore
E crer chi custu fiore
No potat bennere allizadu.
Chi est in...

Inoghe est ch'istat s'ostaculu,
Piaghene o non piaghene,
Deus già lu podet faghene,
Cussu est pius de miraculu,
Lu fattesi in su bacculu
De su babbu putativu
Chi a sicu e d'umore privu

Fiore e fozas at bogadu.
Chi est in...
S'ardimentare osie
Est che formare litigios,
Ma de simfles prodigios
No nde mustrat dogni die,
Iscuros tando sun chie
S'illudet gasi in fidaresi,
Chena meritos salvaresi
S'isperu est male fundadu.
Chi est in...

Devo ancora ammunestare
E seguros nde siedas,
Chi custos non cumprendedas
Chi naro a disisperare,
Deus totu perdonare
Podet s'isse lu cherferet
Ma lu faghet cando esseret
Dae nois meritadu.
Chi est in...

Deus in dare sos donos
E castigos non s'ingannat
E-i sos malos cundannat
E premiat sos bonos,
Custos de grassias padronos
Cuddos de peccados meres,
Ca sas giaes e poderes
A satana an cunsignadu.
Chi est in...

-

Si in sa narrativa mia
Paret faltzu su descrittu,
Non cretedas chi m'at gittu
Fantastica fantasia
Ma sa comune ingannia
Ch'in su progresso in sos males,
E imbroglios generales
M'ana ispintu e trasportadu.
Chi est in...

Non est giara s'evidentzia
Chi fora e intro e domo,
S'iscassu a su justu corno
At fattu sa cuncurrentzia,
E tentu at sa preferentzia
S'ingiustu e malu operare,
Ch'est giompidu a superare
Onzi imperiu onzi istadu.
Chi est in...

Su malu faghene estesu

S'est e totue at dominiu,
Fattende a tottu isterminiu
Su bene incontradu in mesu,
Che cando unu fogu atzesu
Distruede un'adde intera,
De sa matessi manera
At su bene annientadu.
Chi est in...

Pro narrer su netzessariu
Si paret chi troppu avasso
Sa risposta a bois lasso
A proare su divariu,
Ma tantu abusu contrariu
In donzi classe e persones,
Non bi at proas ne rejones
Chi nde iscujet s'operadu.
Chi est in...

No est una ratza sola
Ch'in s'onestade in ripudiu,
Onz'unu at fattu s'istudiu
De trampare e-i s'iscola,
Chi b'est sa die e s'arzola
No si ammentat cristianu,
Sa chi at Deus soberanu
Pro su giudisciu fissadu.
Chi est in...

Dies chi ten dividire
Sos malos dae sos bonos,
Nie, lampos, fogu e tronos
Chi su mundu at a finire,
" Dies illes dies irire
Dies magna et amara ralde"
S'in discrierla m'azzalde
M' 'ido a tremare obligadu.
Chi est in...

Dies privas de fortuna
Pro sos malos e terribile
Ca est de vide impossibile
Capitarende ater'una,
Sas istellas sole e luna
Ten ruer dae s'altura,
Perdende cudda lugura
Chi an pro natura achistadu.
Chi est in...

Dies rantzigas e de suffrire
Pro fines pius de duos
Dae sos limites suos
Nde det su mare essire,
S'abba e terra convertire

Si dede in ardente fogu
Resultende in donzi logu
S'universu incendiadu.
Chi est in...

Die manna e de tristura
Die e pena e de assustos,
Die chi fina a sos giustos
Nos riferit s'iscrittura,
Ten'aer grande paura
Belle e puros de cussentzia
In bider faccia e presentzia
De Cristos tantu indignadu.
Chi est in...

Die chi su mundu totu
Tet essere in movimento,
Die chi su firmamentu
Si dede istruire e bottu,
Die chi 'enit connotu
Donzi errore cummittidu
Die chi tet esser bidu
Dae totu ogni peccadu.
Chi est in...

Die chi faghet tremare,
Finas in chelu sos santos,
Die chi ten tottugantos
Sos mortos resuscitare,
Die chi deve falare
Dae su Chelu Gesusu,
Die chi mai piusu
S' 'idet perdonu acansadu.
Chi est in...

Die de sas tempestosas
Sas pius ch'an no perdonu,
A su terribile sonu
De sas trumbas orrorosas,
Sas animas premurosas
Tene a sos corpos torrare,
A su logu pro andare
Ue onz'unu est giudicadu.
Chi est in...

Sende totu sos criados
In cussa die fissada
In sa valle destinada
De Giosafat radunados
Bonas operas, peccados
Si ana a leggere a presentzia,
Pro retzire sa sententzia
Chi merita s'operadu.
Chi est in...

Die d'ira e de turmentu
E disisperatzione,
Pro totu a proportzione
Infinitu avvenimentu,
Sos bonos semper in cuntentu
Pro tota una eternidade,
Sos malos in tempestade
Pro tempus mai acabadu.
Chi est in...

Die de calamidade
Inesplicabile e forte,
Tet aer diversa sorte
Sa sorre dae su frade,
Cudda firma in s'onestade
Pro semper a chelu a gosare,
Cuddu a s'inferru a penare
Pro eternu cundennadu.
Chi est in...

Die 'e clamores e gridos
Sa fide nde dada avisos,
Ten bennere ancora divisos
Sas muzeres e maridos,
Custos a destra elegidos
Cuddas a manca mandadas,
S'infideles sunu 'istadas
A cuddos chi ana isposadu.
Chi est in...

Die e giustitzia proite
Divisos e separados
A cuddos predestinados
Ch'in boghe amorosa e mite,
Gesu tet narrer. "Venite
Benedici padre mei,"
Ca legges cantas bos dei
Niente azis trascuradu.
Chi est in...

Custa cossolascione
Dada a sos giustos giamendesi,
A sos reprobos bortendesi
Ch'in tota indignascione,
Narat: Redde ratione.
Pro peccados e delittos
A s'inferru malaittos
Faladeche cun coidadu.
Chi est in...

Da chi a totu sos mortales
Sas sentescias sun fattas
Si aberin sas catteratas
De sas portas infernales,

Ue 'intran totu sos cales
Pro gosare e pro patire,
Pro no mai pius nd' 'essire
S'ingressu restat serradu.
Chi est in...

Die chi est fattu detzisu
De isperantzas mortas,
Serradas poi sas portas
De inferru e paradisu
Sas giaes de iinprovvisu
Pro non benner pius trattadas,
In s'eternidade 'ettadas
Benini, e totu acabadu.
Chi est in...

Die si si attraessat
In cunteplarebi affannat,
Ma su mundu a totu ingannat
E nesciunu be-i pessat,
Ca subra a totu interessat
S'accumulare sienda
Da una ingannosa benda
Benit donz'unu atzegadu.
Chi est in...

Sa pessima cundutta
Gia faghet rifletter s'òmine,
Est cosa chi no at fine,
Ma sa vida est un'iscutta
E si at mortale rutta
Sanu pius no nde ficcat
De cantu unu s'applicat
Su tramposu a s'operadu.
Chi est in...

Ca mustrat su bonu sensu
In sa dottrina moderna,
Ca sa rutta eterna
Eternu at su cumpensu,
De fronte a su dannu immensu
A daghi onzunu gridadat,
Narat mai s'idat,
Su tempus no l'at cuntentadu.
Chi est in...

Si osservat bene e mirat
Su fattu est meda amaru,
Si calcunu, ma est raru,
Pare chi a su bene aspirat
B'est s'atteru chi lu tirat
A mudare determinu
E prestu su bonu inelinu
In pessimu est cambiadu.

Chi est in...

A sos tantu abituados
A fiscios de ogni zenia
Pro peccare issos ebbia,
Non nde restan satziados
E pro 'ennere azuados
Dae atteros s'intrigana,
Pro chi su caminu sigana
Da issos male tracciadu.
Chi est in...

Sos fattos mi lu acreditan
Umbra non b'at chi lu cuen,
Cuddos ch'inoghe non ruen
Cuddae si pretzipitan
Che chi anima non gitan
E inferru non si agatet
Paret chi onzunu trattet
Contr'a cantu est ordinadu.
Chi est in...

Su castigu est generale
Sa zeghidade est comuna,
De sas tres legges mancuna
Sinde osservata custu est tale,
Sa divina est naturale
Sun che cando no esistana,
Sutta a sos pes totu istana
Pro su dispretziu usadu.
Chi est in.

Furbos chi chena piantu
Si solini lamentare,
E ch'in s'issoro operare
S'abusan d'atere intantu
Sutta e birgonzosu mantu
Sun tottu incapucciadas,
Traitas e ispozzadas
De su pretziu meritadu.
Chi est in...

Sunu rutas e non ficana
Esistini e sun che mortas,
Sos guvernos medas bortas
Sas tertzas la modificana
Pro cantu poden s'applicana
Ponner a su male riparu,
Pubblicada e posta.in giaru
S'ingannu est prestu incontradu.
Chi est in...

Mancana in conclusione
A sa legges sos rispettos,

No si osservan pius pretzettos
Non s' 'istada a sa rejone,
Postas in derisione
Sunt preigas e dottrina,
De legge umana e divina
Non de cheret faeddadu.
Chi est in...

Non sunu in pedire attentos
Sos divinos ausilios
Non crene in sacros cuncilios
No osservan cumandamentos
Faghen cun faltzos cummentos
A sa ecclesia gherra,
Ch'est inondada sa terra
De fagher disordinadu.
Chi est in...

Sunu cosas chi atterrini
A cantu sa zente arrivene,
E-i sos chi male vivene
Malamente e peus morini,
Carchi olta si colorini
Chin pedire sacramentos
Ma de bonos sentimientos,
No nd'ana ne nd'an mustradu.
Chi est in...

Est evidente sa cosa
Vivende male si perit
Si manciat, si punghet si ferit,
Sa perla pius valorosa
Ch'est s'anima preziosa,
De Deus fatta a immagine
Pro sa tanta iscelleragine
Chi regnat e hat regnadu.
Chi est in...

Cantu in s'errore atzegadu
Recreant, sun fattos serios,
Dommas de vide e misterios
Sunu totu iscreditados,
E de sa fide negados
Donzi puntu e dogni articulu,
Insumma est postu in ridiculu
Cant'at Deus ordinadu.
Chi est in...

Pro sos rispettos umanos
Si trascuran sos divinos,
Custos sun tantos Calvinos
Cuddos tantos Luteranos,
Medas si bagnan sas manos
De su sambene innotzente

Ateros viven comente
No s'aret Deus incontradu.
Chi est in...

Oe cantos riformistas
In contrastu intendides,
E chin cussos be' 'idides
Tantos materialistas,
Frammassones ateistas
E liberos pessadores
E totu contraditores
De cantu ana argumentadu.
Chi est in...

Limbas chi paren saettas
Oe no che nd'ada e cantas,
Si su poi cuddas tantas,
Sotziedades segretas
Chi appartenini a sas setas
D'enestoriu e d'Ezzelinu,
E cantu b'at de divinu
E de sacru est violadu.
Chi est in...

Cheren già bo nde abedides
Ponnere a su sole una nue,
Dei custos in totue
Bi nd'at cantos nde cherides,
E chie sunu l'ischides
Ch'isparghen dottrina insana,
Zertos chi liberos ana
Leggidu e istudiadu.
Chi est in...

O Deus a cantos grados,
Semus de malu arrividos,
Cuddos piusu istruidos
Dottos e iscentziados,
Chi tian'essere 'istados
Su modellu s'esemplare,
Ch'in s'issoro isregionare
Ana ispinas semenadu.
Chi est in...

No est forsi veridade
Chi semus a puntos criticos,
Leade cuddos politicos
Chi antana bravidade,
Sun pro sa sotziedade
Una pianta ispinosa,
o sementza velenosa
Ch'ana a satana ispramminadu.
Chi est in...

Dae sos fattos esternos
S'idet chi sa zente est mala,
B'est s'ispruma a sater'ala
De sos ischidos modernos,
Ch'apende in sos quadernos
Sos istuidios finidu,
Si cret dogn'unu istruidu
E sapiente e dottadu.
Chi est in...

Mancari custos non nomine
Bi nd'at chi naran continu
Ma ca non so mischinu,
E totu est a pagu peromine,
Ancor'eo so un'omine
No filosuficu e cumprendo,
E cantu da issos intendo
No m'at niente ispantadu.
Chi est in...

Custos concas de veletas
De abba e binu pianas,
Pro legger male o appenas,
Carchi orta lu sunu atzettas
De milli errores infettas
Chentza cumprendere un'acca
Sunu in s'idea macca
Ch'in ch'an sos santos brincadu.
Chi est in...

Sun concas de ispidales
Prenas de illusiones
Non sunu custas pessones,
Mazores ne uguals ,
Ne connoschen custos tales
Ne mancu a issos matessi,
Ne poden tenner a su nessi
Su male issoro occultadu.
Chi est in...

A oju abertu si dannan
De ignorantza cumbissos,
Essende ingannados issos
Si poden attere ingannan,
Iscreditan e affannan
Sa ecclesia cattolica,
Infallibile Apostolica,
Chi ne errat, ne at erradu.
Chi est in...

Deus d'eterna potenza
De pius si podet dare
Cando arrivini a negare

Fina' sa 'ostra esistentzia,
E si 'antan de cussentzia
Giusta de sas pius santas,
E sunu tantas piantas
Chi dan fruttu avvelenadu.
Chi est in...

Castigu su pius forte
Ingannu su pius feu,
Negan s'anima e-a Deu
Non negan però sa morte,
Ca 'iden chi non b'at sorte
Ch'impedat s'istragge fissa,
Naran però chi est cun issa
A tuttugantu terminadu.
Chi est in...

Pro persistere in s'aerru
Dan pro rejone appagabile,
Ch'est forte e incuntrestabile
Che fenu siccu e no ferru,
De aere chelu e inferru
Pro nd'aer giustu rapportu,
Naran cussos: Da ch'est mortu
Chie mai che at torradu.
Chi est in...

A tale de accertare
S'inferru e chelu bi siada,
Si chin cussos che deviada
Carcunu o medas torrare,
Pro nos podet raccontare
Cantu b'at de bene e male,
E tando non b'at mortale
Chi nd'aeret dubitadu.
Chi est in...

Non sende custu sutzessu
Narat sa zente ingannada,
B'est pro rejone assodada
D'aggiunghere custu riflessu,
Chi est ch'at bidu s'ingressu
De sos logos accennados,
Pro giustos e pro culpados
Chi bi esserat preparadu.
Chi est in...

Pro nd'aer proas esattas
Naran sos de malu zelu,
U'est s'iscala a su chelu,
Ue sun sas cadreatas,
Pro prezipitare fattas
In cussu inferru orrorosu,
Crer cussu narrere ingannosu

Cussu tempus est passadu.
Chi est in...

Rispondo a cussos cummentos
Chi presentan dae onz'ala
Chi de su chelu s'iscala,
Sun sos santos sacramentos,
E-i sos cumandamentos
Osservados giustamente,
Ch'in su viver santamente
Da ogni male appartadu.
Chi est in...

Pro pius persuadirelos
Lis do pro rejones mannas,
E de s'inferru sas giannas
Sunu su-e trasgredirelos
Sos surdos chin avertirelos
No ascultan sos avisos,
E solen viver divisos
Da ogni bonu operadu.
Chi est in...

Da chi argumentan de-ai
Costumana prosighire,
Poi su gosu suffrire
Nachi non terminat mai,
Numeru de annos assai
Chi durat nessi si neret,
Pero chi mai fineret
Non podet benner ideadu.
Chi est in...

Pensare a custu argumentu
Prosighit su frammassone,
Non b'arrivit sa rejone
Si perdet su sentimentu
Mai mai finimentu,
Comente faghene intendere
Mai si podet cumprendere
Ne be-i cheret pessadu.
Chi est in...

Chena sos rappresentados
Fattos e istravagantzas,
B'ada atteras osservantzas
Chi faghen sos insensados,
Est rendendebos infadados
Si totu in vista si ponzat
Ma de lu fagher bisonzat
Pro 'ennere totu appuradu.
Chi est in...

Sa rejone no lu dittada
Prosighin pro chi si nerat,
Chi un'iferru bi esserat
Pro un'ipotisi si ammitada,
E unu solu meritada
Peccadu pro bi andare
Pro un'eternu a b' 'istare,
E tempus mai accabbadu.
Chi est in...

B'est sentimentu comunu
E pro vide istabilidu
E issos chi cummitidu
De peccados nde an solu unu,
E ateros bind'at sunu,
Chi nde ana fattu a migliaris
Prite b' 'istan totu paris
Senza tempus variadu.
Chi est in...

Si est fattu veridadosu
Prosighin custos dirnando,
U'est sa giustiscia tando
De custu Deus famosu,
Chi dat su castigu e gosu
Cunforma a su viver fattu,
Accollu in pesu inesattu
In misura irreguladu.
Chi est in...

Bravos rispondo ai custos
S'idet chi sezi fieros
Parides tantos Luteri
In su discurrer ingiustos
Ite argumentos robustos,
Chi paret chi mai ruene
Ma s'annientan destruene,
Ch'in dunu alenu mandadu.
Chi est in...

Sos chi los ana atzegados
S'errore est prestu connotu
S'eternidade est pro totu,
Ma su patire est a grados
A misura 'e sos peccados
Chi at donz'unu committidu,
Est de penas opprimidii
Pro eternu castigadu.
Chi est in...

Cherides chi s'argumentu
Pius giaru l'ispieghe,
Si unu at peccadu deghe
No suffrit che chie nd'at chentu,

Ma totu suru in turmentu
Nisciunu b'at ch' 'istat bene,
E donz'unu de issos si crene
Pius de totu turmentadu.
Chi est in...

Pro sos graves peccadores
Su fogu est pius ardente,
Ca sa manu onnipotente
Nde regulan sos rigores,
De fiammas e calores
Chi sos miseros turmentat, §i
Si placat e s'aumentat
Tot'est proportzionadu.
Chi est in...

Creo sas rispostas mias
Non potan benner respintas,
Comente in chelu distintas
Sun totu sas cumpanzias,
De anghelos gerarchias
Patriarcas Cherubinos,
Profetas o Serafinos
Postos in diversu gradu.
Chi est in...

Discurran piusu attentos
Incredulos e perversos
Mancari in coro diversos
Totu be-i 'istan cuntentos
Ch'ana a totu sos momentos
A Deus a sa presentzia,
De postu sa differentzia
Non benidi invidiadu.
Chi est in...

Sa fide a crer nos dirigit
Trattende a cussu disterru,
Basi matessi in s'inferru
Ca Deus totu orrigit
Ei sa giustiscia esigit
Cuss'ordine si mantenet,
A tale chi onz'unu penet
A misura chi hat mancadu.
Chi est in...

Chentza 'intrare in chistione,
Lemus pro isperimentu,
In dunu istabilimentu
Bi nd'at tantos in presone,
S'ifferru a dogni pessone
Ma diversu est su trattonzu
Ca misura a su bisonzu,
Dogn'unu est sorvegliadu.

Chi est in...

Sa fide imparat e tirat
A nde dare una figura,
Chi est in istanza oscura,
E chie aria respirat,
Ca b'at calchi buccu e mirat
Sa lughe ch'intrada inie
Ma onzunu notte e die
Vivet in logu inserraddu.
Chi est in...

C'hin limba acuta e tagliente
S'istolidesa aumentana,
Nd'ana aterunu e presentana
De argumentu importante,
Chi de rejone bastante
Si cren renderlu fornidos,
E-a su puntu attidos
De aer bissu e balanzadu.
Chi est in...

Ruende piusu a fundu
Sighin custos a proporre;
E-i cuddos chi ana a morre'
S'ultima die 'e su mundu,
Mancari assoltu, segundu
Su chi solin preigare,
Una pena de iscontare
B'at corporale restadu.
Chi est in...

Sighin s'interrogatoria
E cheren chi si rílevet,
E s'incontrare si devet
In vida, o in purgadoriu
Già chi est de fide e notòriu,
Su mundu appenas distruttu
Su purgadoriu ruttu
Est puru annientadu.
Chi est in...

A sa legge soberana
Continu ancora fattende,
Tia cherrere intender nende,
Custas tando a 'ue dana,
S'in chelu ingressu non ana
Ne-i s'ifferru meritana
A 'ue tando si gittana,
Tia cherrere ispiegadu.
Chi est in...

S'est aberu cantu atestana

Sighin sos de malu zelu,
Pustis de s'inferru e chelu
Ateros logos non restana,
E si custos non si prestana
A lis dare postu adattu,
S'imbrogliú da ogni latu
Est giaru e iscobiadu.
Chi est in...

Pro escludere cust'errore,
Rispondo e attentu b'ista;
Osserva unu machinista
In dunu trenu a vapore,
Sos grados de su calore
Aumentat e raffrenat
E cando sa cursa allenat
Cando dat motu avantzadu.
Chi est in...

Bastat chi cura bi ponzat
Caminu de oras sese,
Lu podet faghene in trese
A misura chi abbisonzat
Ma cumbenit si disponzat
Sa macchina a resistire,
E Deus si podet ischire
Chi già at totu nlisuradu.
Chi est in...

Isse ch'est onnipotente
Comente sa fide narat,
A cussu be-i riparar
Ch'invece estensivamente,
Sa pena intensamente
La faghet render suffrida,
E chin respiru unu de vida
S'anima at purificadu.
Chi est in...

Sos teologos decisu,
An chi rejone appuràda,
Chi cussa pena restada,
L'iscontat basi in pretzisu,
E unidas a paradisu
Andan tando ancora custas,
Chin cuddas santas e giustas
Chi cuddu inserru an proadu.
Chi est in...

Pro cussu non las affannat
Ca a Deus nudda est ignotu,
E ischit pesare a totu
Ne s'ingannat ne ingannat
Ne senza culpa cundannat

Antzis est piedadosu,
S' 'idet pentidu e penosu
Su chi l'ada ingiuriadu.
Chi est in...

Grande parte arruinada
Est oe de s'umanidade,
Pro non crer sa veridade
Chi chelu e inferru b'ada,
Povera zente ingannada
Dae sos malos pensantes
Ca a issos simizzantes,
Faghene a totu han tentadu.
Chi est in...

Sighin sos males fundados,
Sas rejonas non favorini,
E totu cuddos chi morini
Appena chi sunu nados
Non essende battizzados,
A credere non raccumandana
Ch'issos puru a s'inferru andàna
Pro tempus mai accabbadu.
Chi est in...

Pro cussu an fattu pattu
De narrere istravagante,
Ammettimos pro un'istante
D'esser veru custu fattu,
B'est tando Deus esattu
Giustu in misura e in pesu,
Cando custos l'ana ofesu
Si tempus non b'ada 'istadu.
Chi est in...

A custa dimanda tale,
Rispondere est fattu ischidu,
Beru, custos committidu
No an peccadu attuale,
Però b'est s'originale
De Adamu primu babbu,
Ca a tottu pro nostru ingabbu
S'est difusu e tramandadu.
Chi est in...

In donz'anima imprimidu
Pro origine s'est tentu,
Ma su primu sacramentu
Ch'at Cristos istituidu,
Appenas benit rezidu
Siada in domo o altares,
Ch'in sas abbas salutare
Est subitu cancelladu.

Chi est in...

Sos chi disgrasciadamente
Rezirelu non an sorte,
Benzende dae sa morte
Colpidos pro atzidente,
A s'inferru tzertamente
Andan pro netzessidade,
Pro tott'una eternidade
Logu a issos destinadu.
Chi est in...

A su limbu istabflidu
Est pro issos cussu logu,
Non pattin pena e fogu,
Ma de dannu e de sentidu
Ch'est chi at Deus proibidu,
De 'ider sa sua cara
Tantu risplendente e rara,
Ch'at su chelu illuinadu.
Chi est in...

Sighin cussos frammassones
Petzas de falsa moneda,
Ancora b'at cosa meda
De faghere annotasciones,
Cussos tantu credentzones
Podene abindulare,
Ma a nois a buffonare
Malu contu azis tiradu.
Chi est in...

Sas istorias cumpostas
Prosighin sun tottu ingiustas,
Mancari a cuddas e custas
Dadu as debiles rispostas,
Risponde a custas propostas
Chi ti fatto como a nou,
De su giustu Deus tou
Chi tue ch'asa incasciadu.
Chi est in...

Prosighidi a dirnandare
Su frammassone insensadu,
Deus narat chi at criadu
Chelu, inferru, terra e mare,
E innanti de lu formare
su chelu delissiosu,
Cussu Deus poderosu
Lu tiad'essere 'istadu.
Chi est in...

Non bos dò piusu affannos
Si apo su chi so in chirca,

Chelu e mundu, naran circa
Ch'est formadu semiz'annos,
Ois saputellos mannos
In rnodu giaru e ladinu,
Nades chi semper e continu
S'est custu Deus agattadu.
Chi est in...

Oe si at tanta credentzia
Chi custu Deus est totue,
Comente tando e inue
Teniat sa residentzia,
si nudda aiat essentzia
Si no isse solamente
' Ue fit tando e comente
Custu Deus incriadu.
Chi est in...

Si de su sacru conciliu
Esserat custa sententzia,
' Ue fit sa residentzia
Su regnu su domiciliu,
De babbu e unicu filiu
E de s'ispiridu santu,
Inoghe 'istat tottugantu
Su sentimentu offuscadu.
Chi est in...

Sa chi naro veridade
Ti cumbinat a su nessi,
Viviat in se matessi
S'augusta Trinitade,
Chin tota sa potestade
Chi tenet oe presente
Su chelu non l'at niente
Sa gloria aumentadu.
Chi est in...

Ch'in sagradas iscritturas
A ischire no lu dada,
Ch'isse no abbisonzada
De chelu ne criaturas,
Custas sun cosas seguras
Chi a crer ti raccumando,
Comente fi fin'a tando
Podiat essere istadu.
Chi est in...

Prosighinde in s'imprudenzia
Narat, creschende in ingannos,
Nois como semus mannos
E amos isperientzia
Deus narat pro essentzia
Est poderosu e giustissirnu

Operende portentissimu
Chi at dogni cosa assestadu.
Chi est in...

S'argumentu bene afferra
E dami ispiegasciones,
Cantas bidirvus persones
Chi paren santo in terra,
Trabagliende e sempre in gherra
A usu le ischiavos
In sotziedade bravos,
Modellos in costumadu.
Chi est in...

A cheja onzi manzanu
Andan cussos poverinos
Finas peri sos caminos,
Ch'in su rosariu in manu
E pro usu fittianu
Sas vigiliis giunana,
E mancu 'e abba s'ilgiunana
Sende in su riu ogadu.
Chi est in...

Dammi una risposta lija
E sena faltzos pretestos,
Laboriosos onestos
Non ponen pè a formija,
E mancu istratzu e camija,
In dossu a si ponnere ana,
Pustis de tanta mattana
E suore terramadu.
Chi est in...

Pro chi ti mustres redossu
Prosighit sese in isbagliu,
Consumendesi in trabagliu
No semper buscan su mossu,
E poi subra a su dossu
Dolores e maladias,
Febbras de milli zenias
Chin su fame alliadu.
Chi est in...

Passan sas dies penosas
Privos de su netzessaríu,
Ateros a su contrariu
Malos in totu sas cosas,
Chi operas virtuosas
No nd'ana fattu una in bida,
E Avemmaria cumprida
Mai nd'ana recitadu.
Chi est in...

Cantu de religione
Ana issos respintu,
Faltzarios pro istintu
Ladros de professione,
Demonios in persone
De arte sa pius malas,
Chi s'ana subra sas palas
Donz'infamia addossadu.
Chi est in...

In modu su pius feu
Sun fattos de mente e coro,
Bae 'intra a domo issoro,
B'est donzi grassia e Deu
Si contra a su parrer meu
Est beru chi s'agatterede
Chi tue e ater lu neredu,
No nde so eo accertadu.
Chi est in...

Nen penas nen pensamentos
Tenen, Donzi bonaura,
Sanos de corporatura
Tranquillos e cuntentos,
In giogos e divertimentos
Donzi die sunu in festa,
Chena penseris in testa
Tempus bellu che pregadu
Chi est in...

Non ti nde pretendo tantas
Dammi una sola notiscia,
' U'est tando sa giustiscia,
De cussu Deus chi antas
Cussos de cuscentzia santas
Non ana itte ponnere in bucca,
E-a sos males edduca,
Prite tantu bene an dadu.
Chi est in...

Ch'est custa sa veridade
Mancu tue mi lu negas,
Comente tando ispiegas
Sa tale difficultade,
Deus totu bonidade
Chi naras est giustu e raru,
Risultat ch'est giaru giaru,
Partziale indubitadu.
Chi est in...

Sun totu pretestos lenos
Rispondo e Chentza valore,
Sas grassias de su Signore,
Non sun sos benes terrenos

Chi custos sunu pienes
De fastizos e pauras,
Sas grassias certas seguras,
In su chelu at riservadu.
Chi est in...

S'in cussos fattos t'internas
Mi das rejones erroneas,
Custas sunu temporaneas
Sa de paradisu eternas,
Custas dottrinas modernas
Chi ois azis in usu,
Animas medas in piusu
Ana a s'inferru imbiadú.
Chi est in...

Sos chi azis vista azigu
Su canu bos paret brundu,
Sos bene de custu mundu
Pro alcunos sun castigu,
Ca s'infernale inimigu
Cue faghet meda piscas,
Pensa bene edducas e iscas
Chi ses male cussizzadu.
Chi est in...

Si at rikkos mai cantos
Chi peccana e chena ammenda,
Ca pensende a sa sienda,
S'olvidan de Deus e santos,
E cumbenini piantos
Non solu esser diciosos
Peus de sos bisonzosos,
Sunu in puntu disgrasciadu.
Chi est in...

B'at de cuddos poveritos
De bisonzu arriados,
Male e pagu alimentados
E issos pius allegritos,
Dae bona fide gitos
Naran:Deus be-i pessada,
E de totu s'interessada
Ch'est babbu affetzionadu.
Chi est in...

Rikkos bi nd'ada a rejone
Ch'in bida cuntentos sunu,
E tra sos cales fid'unu
Su grande nadu Epulone,
E oe est unu tittone
De cussu inferru penosu
De tanta ricchesa e gosu
S'ischidi ite nd'at lucradu.

Chi est in...

Cantos ti do paragones
Sun totu cosa evidente,
Giobbe puru possidente
Fit de robas e persones,
E Deus ch'in tribulasciones
Totu li lesit in una,
Dendeli menzus fortuna
D'essere in chelu biadu.
Chi est in...

Custa risposta in memoria,
Est de tennere imprimida,
Cantu patesit in vida,
L'at creschidu gosu e gloria,
In su mundu est transitoria
Donzi umana cuntentesa,
Ma in su chelu est estesa
Pro tempus mai acabbadu.
Chi est in...

Prosighinde a presentare
Errores atteros tantos,
Crere in custu Deus e santos,
Naran: Totu est imbrogliare
Dinaris pro istrotzare
Dae cussos tontorrones
Unu est , e tres persones
Ite narigliu ogadu.
Chi est in...

Mai si che ogat pese,
De custu narrer nesciunu,
Essende tres no est unu
E s'est unu no est trese,
E mancu tue lu crese
Supponzo pro chi lu neras
Si finas custas chimeras,
Bastante nd'azis trampadu.
Chi est in...

A tempus de bichimeos
Non semus pius ne sezis,
Assumancu nadu arezis
Tres persone e tres deos,
Sena funes ne trunneos
Cherides ligare a totu
Ma sos chi b'amos connotu,
S'imbrogliu est iscuguzzadu.
Chi est in...

Zente ch'at sale in cherveddos
Non crede in custas patzias,

Ca sun totu dicerias
De contare a pitzinneddos,
De s'aera sos isteddos
Numerare est impossibile,
Custu est simile incredibile
No sende ispecificadu.
Chi est in...

Sunt tres distintas persones
Ch'ant sa matessi potentzia,
E propria sapientzia
Sena variasciones,
Cumpresa in sas uniones
Una natura divina
Un'arvure e raighina
Chi esistidi est chentza nadu.
Chi est in...

Custa pianta fecunda
Chena origine ne chima,
Su babbu est persona prima
Su flzu est sa segunda,
Ca est da isse oriunda
Misteriu chi est ispantu,
Terza est s'ispiritu santu
Paraclitu nominadu.
Chi est in...

Est giustu e propriu tale
Non est faltzu s'assirnizzu,
E generadu at su fizu
Su babbu a isse uguale,
Veru e consustanziale
Uniforme in tuttugantu,
Gasi est s'Ispiritu Santu,
Ana ambos Verificadu.
Chi est in...

Asculta su narrer meu
Non sun paraulas fintas,
E tres personas distintas
Formana unu solu Deu,
Purissimu e Chena neu
E infinitu e giustissimo,
Perfettu e sapientissisu
De podere illimitadu.
Chi est in...

'l'otu sos ch'asa in memoria
Sos dubbios ti nde lea,
Pro ti nde dare un'idea
Non bi cheret tant'istoria,
Nd'at proa in domo notoria,
Ch' 'ides e toccas ch'in manu

A sero e a manzanu
Semper chi nd'as bisonzadu.
Chi est in...

Cunfirman custu argumentu
Custas paraulas creelas,
Cando atzende tres candelas
In su matessi, apposentu,
S' 'ides in s'isperimentu
Chi sa lughe est un'ebbia,
Deus at cussa simetria
Trinu in unu cuncentradu.
Chi est in...

Non bi at duda nisciuna
Osserva e bides lu tese,
De cussas candelas trese
Sa lughe issoro comuna,
Diventat solament'una
Cussa brillante lugura
Chin custa simple figura,
Su dubbiu est cancelladu.
Chi est in...

Pro ch'in su totu lu fuas
Cheres chi menzus mi esprima,
Chi lende dae sa prima
Luma azender cuddas duas,
Nudda perdet de sas suas
Luguras ch'innanti prestada,
Comente fi prima restada
Semper in su matessi istadu.
Chi est in...

Ti parfada o no ispantu
Su paragone est esattu,
Gasi su babbu at fattu
Fizu Ispiritu Santu,
De sacru teniat cantu
Desit isse a cussos duos,
E in sos esseres suos
Comente fidi est restadu.
Chi est in...

Est custu fattu opportuna
Ch'ispero chi ti console,
Osserva: Ancora su sole
Cussu pianeta est unu,
E tres dotes chin'isse sunu
Lu rende s'astru mazore,
Motu, lugura e calore
Totu a pare est intrecciadu.
Chi est in...

Est unu fattu detzisu
E da onz'unu connotu,
Lugura, calore e motu,
Est semper in isse indivisu
Ed est quadru precisu
De cussa Triade Santa,
Ch'in duna sola pianta
Sun trese in tot'unu gradu.
Chi est in...

Si as de cumprender fortuna
S'immagine est giara e pura,
Calore motu e lugura,
Sun tres cosas intro e una,
Cosas ch'istellas e luna
Nd'an duas sa tertza mancada,
Custu s'argumentu tancada
Bastat chin su cuntestadu.
Chi est in...

Pro chi nados in succintu
Sos paragones sierana,
Supponzo chi ti basterana
Pro nde restare cunvintu,
Si no est chi sese ispintu
Da una fortza infernale,
Chi ruende in modu tale
Non podes benner addritzadu.
Chi est in...

Cun tanta astutzia vana
E istolidu pensare,
Rejones de presentare
'Istan chirchende e non d'ana,
Si calicuna nde dana
Inue si cren seguros
Sun che domo senza muros
Ne traes, ne tauladu.
Chi est in...

'Ue sun tando sos fruttos
De tale e tanta arroganzia,
Cussos tipos d'ignorantzia
Chi si crene tantu astutos,
Sun che titones allutos
Ch'invece de lughe dan fumu
Endende paza e presumu
Tontos a ultimu gradu-
Chi est in...

S'infame ratza ateista
Mancante e fide e sentidos,
Pro nd'essere persuadidos
Cherene proas de vista

Pro narrer chi est zente abista
Mancu de Deus si curana
Ch'est fainzu, narana e giurana
Cantu intenden preigadu.
Chi est in...

Similes cosas contadelas
Narana: A sas criaduras,
Pro esser tzertas siguras
Si azis proas presentadelas
Nende: Idide e toccadelas
S'est beru cantu si esponet,
Tando nesciunu si opponet
Restende onzunu appagadu.
Chi est in...

Sun dannaris resortos
Asi 'istadu no esseret,
Chie miraculos cheret
Chie dubbios isoltos
Chie chi torren sos mortos
Dae su chelu a profundu
Pro narrere in cuddu mundu
Si an patidu o gosadu.
Chi est in...

Figurade ite pretesa
Chi Deus fattada isfortzos,
Poden aer custos colzos
Pius manna istolidesa,
Non lu narat cun certesa
Non est testamentu antigu,
Chi b'at premiu e castigu
Pro eternu preparadu.
Chi est in...

Caglien cussos malaitos
De Luciferu soldados
E-i sos testos sagrados,
In s'evangeliu iscrittos
E cantu a sa proa gittos
Nos ana puru creide,
Sos martires pro sa fide,
Ch'ana sa morte abbratzadu.
Chi est in...

Cando Roma fit pagana
In cus'epoca funesta,
Giubilantes che a festa
A su martiriu andàna,
E miraculos operàna
Medas in puntu e morte
Pro tantu eroismu forte
Chi at sa fide cunservadu.

Chi est in...

Si cussos non fini 'istados
Tzertos e bene seguros,
A frazellos tantu duros
Non si fini assuggettados,
Cuddos in fogu 'ettados
Custos ch'in lanzas traffittos
Ateros in eremitos
Vida austera an passadu.
Chi est in...

Da issos benit connota,
Sa giusta relassione,
Poi sa tradissione
De s'ecclesia tota,
Chen'esser mai interrota,,
Fintzas a dies de'oe
Pro seculos deghenoe
Ch'est s'ornine Deus nadu.
Chi est in...

Cantu est de fide negare
Costuman sos dionestos,
E totu sunu pretestos
Ca piaghede a peccare,
Invece su.osservare
Legges e cumandamentos,
Pretzettos e sacramentos
Servin d'impicciu e infadu.
Chi est in...

Pro vivere a s'isfrenada
E piena libertade,
Naran: Chi s'eternidade
Non meritat calculada,
Ch'est boghe isparta e bogada
Sos padres 'e sazerdotziu,
Pro manigare, a sotziu
Pane pagu tribagliadu.
Chi est in...

Sa santa religione
Semper at sa gherra in vigore,
Cando Cristos Redentore
Fidi in su mundu in persone,
Cantos chentza paragone
Miraculos operesit
Tra sos cales unu 'istesit
Lazzaru resuscitadu.
Chi est in...

L'ada a Marta e a Maria
In vida restituidu,

Ca battor dies seppellidu
Fidi già e no una ebbia,
E d'essere arte e magia
Li desin faltzu attributu
O de filosofo astutu
Ma d'esser Cristos negadu.
Chi est in...

E cantos de male reos
Sos pius disisperados
In vista insoro negados
Ma intantu sos giudeos
E perfidos fariseos
Non lu cren d'esser Gesusu;
Anzis l'odian piusu
E faltzamente accusadu.
Chi est in...

Pro sos ch'an fide e cumprendene,
Sun fattos realizzados,
Mudos tzegos surdos nados,
Faeddau, bidene, intendene,
Cant'oe custos pretendene
Sos giudeos l'ana 'idu,
Ma sos de coro induridu
Niente ana cambiadu.
Chi est in...

Miraculos portentosos
Chi paret chi mai finan,
Inoghe toppos caminan,
Cuddae curan lebrosos
Cando nde fin bisonzosos
Pane e pische multiplicat
A donzi bisonzu applicat
Su rimediu adattadu.
Chi est in...

Ite pius meravizzas
Ch'in panes, chirnbe e non sese,
E pishes mancu de trese
Satziesit zente a mizas,
E poi sa romasizas
Da chi 'istesini regoltas,
Pienu nd'an battor isportas
Chin su chi b'est avanzadu.
Chi est in...

Cantu racconto est propitziu
No est suppostu o idea,
E in Ganan de Galilea,
Sende in dunu isposalitziu
Ischimos pro veru inditziu
E s'est intesu continu

Ch'in isquisitu 'inu
S'abba pura at cambiadu.
Chi est in...

L'ischimus chin siguresa
Non sunu faltzos oraculos,
E-a similes miraculos
A vista insoro e tzertesa,
Sa giudaica duresa
No remordet in s'ostinu,
E de sun samben divinu
Si an sas manos bagnadu.
Chi est in...

E cantu a sa vista insoro
Fattesit pro ravvidiresi,
Ma invece e cunvertiresi
Lis creschet s'odiu in coro,
De su celeste tesoro
Dispretzu abusu fattende,
Chi fidi impostore nende
Cumbenit crucificadu.
Chi est in...

A custa zente incredibile
Chena ateros nde tzitare,
Mai si nde podet dare
Giaru piusu e visibile,
De cuddu in s'ora terribile
Chi Giudas traitu l'ada,
E Pedru a colpu e ispada
S'orija a Marcu at segadu.
Chi est in...

De istoria profana
No mi servo in custu fattu,
Ma su Redentore in s'attu
Bi la torrat salva e sana,
E cantos bi fin bid'ana
De Cristos sa potestade,
E in s'incredulidade
Chie bi fit b'est restadu.
Chi est in...

S' 'iden tantu, ma comente
No crene custos domando,
A mie matessi tando
Rispondo eo prontamente,
Ca fidi incredula zente
Cussa chi asie trattada,
E ancora si nde agattada,
Antzis ana aumentadu.
Chi est in...

Miraculos chin ispantu
Bidos, istesin niente,
Si Deus a su presente
Fatterat ater'e tantu,
Medas chi si d'an su antu
Ch'ischin pius de onzunu,
Restaian su chi sunu
Ischiaos de su peccadu.
Chi est in...

Chi custos non pensan bene
Est facile a si decidere,
Miraculos cheren bidere
Bidendelos non de crene,
E cantu intesu aer tene
In sos pulpitos ripetidu:
Su chi est de fide esser cretidu,
Pius che bidu e toccadu.
Chi est in...

Non est meu faeddare
Lu narat s'Evangelista:
Chi facilmente sa vista
Est suggesta a ingannare,
Cosa chi mai costare
Podet pro ordine infinitu,
In cantu est de fide iscrittu
Ca lu at Deus riveladu.
Chi est in...

De crer su cumbeniente
Est dovere e sos umanos,
E puru sos cristianos
De su seculu presente
Isfidan s'onnipotente
Semper chi a crer si trattada,
O chi miraculos fattada
O est già iscreditadu.
Chi est in...

Aggiungo a cantu so nende
Negare non si mi tede
Chie pro fide non crede,
Non cret nemmancu 'idende,
Sun pro cussu a bolu andende,
Sos ingannos intro e fora,
Die notte e a donz'ora
In donzi logu abitadu.
Chi est in...

Mancari su miscredente
Milli iscuja adduerat,
Si bene si cunsiderat
Su miraculu evidente,

Est custu mundu presente
Send'asi tantu ingannosu
Non lu at Deus poderosu
Prima de oe annientadu.
Chi est in...

Cando bi penso tra me,
Naro in su discurrer meu,
No est su matessi Deu
Chi a su tempus de Noé,
Non lassesu pedrra in pe
Solu cussu patriarcha
Ch'in sa familia in s'arca,
Cant'aiat at collocadu.
Chi est in...

Non poden bennere ismentidos
Ca sunu fattos sutzessos,
E a sos de oe etzessos
Forsi non fini arrividos
Ma Deus chi lo at bidos;
Surdos a tantas giamadas
Ch'in abbas ismisuradas
S'ira sua at isfogadu.
Chi est in...

De sa potentzia tanta
Si servesit è astighende
A diluviu pioende,
Dies e nottes baranta,
S'umanidade tottaganta
Destruessit totalmente,
E donzi essere vivente
in sas undas annegadu.
Chi est in...

Si occupan sas memorias
In legger fattos antigos,
De grassias e castigos
Sun pienas sas istorias
E totu operas notorias,
De s'eterna sapientzia
Oe pro dare credentzia
Cheren totu rinnovadu.
Chi est in...

Cunfessen sos disonestos
Pro cantu male si faghet,
Sa libertade piaghet
E si servin de pretestos
Miraculos manifestos
Continu si nd'at connotu,
Corno a sos atomos totu
Est a caos est applicadu.

Chi est in...

Pretenden chin richiesta
Miraculos est macchine,
Non si at fide non si at fine,
Si che l'oghen dae sa testa,
Pioer tando a tempesta
Disgrascias dae onz'anta
Sa misgredentzia tanta
Nd'at sa culpas motivadu.
Chi est in...

Bos servat custu s'avvisu
Cristianos, e pensade,
Neghende s'eternidade
S'inferru su paradisu
Est unu fattu detzisu
Mancari si anten giustos,
Chie si fidat de-i custos
Guai e male fadadu.
Chi est in...

Pro un'istante firmade,
S'attentzione e proamus,
Neghende s'anima ch'amus
Ruet s'immortalidade,
Tando pro netzessidade
Ruet su premiu e pena,
Tottu a sa vida terrena
Tiat essere limitadu.
Chi est in...

De sas causas s'effettu
Inoghe giaru 'idides,
Tando formare podides
De custos bonu cuntzettu,
Faghen de malu in segretu,
Cand'est da issos possibile,
Chin galantismu apparibile
De demoniu caratzadu.
Chi est in...

C'ustu argumentu cuncruit
Chin proa robusta e forte,
Chi sa bona e mala sorte
A si viver si riduit,
Chie custos tando fuit
D'ingannare occultamente,
Tentan, chircan solamente
De non bennere iscobiadu.
Chi est in...

S'insoro dottrina usana
Chi custos solini ischire,

Est ch'issos deven timire
Solu sa giustiscia umana,
Pro sa cale medas ana
Medios pro l'iscansare,
Ca totu cantu a proare
Difficil'est semper 'istadu.
Chi est in...

Bastat loblare disizos
Cussu non los disisperat,
Si calchi indisciu b'aperat
Nd'an solu pagos fastizos,
Ca bastan, summas manizos
Pro ortare sa prata in ramine,
E de brama punta e istamine
Formana istoffa e broccadu.
Chi est in...

Asi median sos males
Paghende a chie cumandat,
Bidinde tando a 'ue andat
S'onestade e cussos tales,
Sun massimas infernales
Sas chi trattana e imparana
Finat cantu cussos narana,
Chie si cheret salvadu.
Chi est in...

Custa ratza 'e istravagantes
De infamia modellos,
Fattende sos saputellos,
Sunu bestias arrogantes,
Tzegos surdos, ignorantes
Chin mala faccia pretendene,
Ch'ischin bidene e intendene
Pius de onzi illuminadu.
Chi est in...

Ca non mancat d'elementos
Sa rejone est manifesta,
Podet essere zente onesta
Sos chi an tales sentimenti
Non sun custos istrumentos
De ferru mitzidiale,
Chi, s'inimigu infernale
At donzi tempus usadu.
Chi est in...

Mancari antu si dana
De onestade e talentos,
Manchende sos fundamentos
De sa fide cristiana,
Sun alvures chi no ana
Ne ramos ne raighinas

Solu punghentes ispinas
Chi bi at satana attaccadu.
Chi est in...

Isse las at piantadas
E nois las coltivamus,
E poi nos lamentamus
Ca malas sun sas annadas,
E sunu azzotas mandadas
Pro nos podere emendare,
Ca Deus pro nos salvare
A donzi cosa at pensadu.
Chi est in...

De onzi ispetzia e maneras
Nos mandada isvariadas,
Randine e abbas sobradas
Ch'allagat baddes interas,
Non lassat terra in costeras
Ispezat saltos, campagnas
Poi entos e siccagnas
Brujan su pagu restadu.
Chi est in...

Donzi trainu esser riu
Cantu l'amos già connotu,
Pustis passamus de bottu
Dae s'jerru a s'istiu,
S'atunzu nos dat s'adiu
Su eranu afflissione
Ca sas battoro istagiones,
A dua Deus at torradu.
Chi est in...

No apo mente ch'isamine
In cantos modos turmentos,
Chin iscassos alimentos
Persones e bestiamine,,
Morzende e fadigu e fame
Lendennos fundu e 'intradas,
Disgrassias meritadas
Pro tantu malu operadu.
Chi est in...

Sas tres divinas persones
E in assenzia una,
Cando chin bona fortuna
Nos dada ispirassiones,
Cando cun tribulasciones
A miseria ridottos
Cando males non connotos,
Mancu intesos a contadu.
Chi est in...

Mancari siada andende,
In progresso sa scientzia,
Sa divina onnipotentzia
No isbagliada operende,
Corno a-i custu sanende
Dae cuddu male incurabile,
Meighina e meigu abile
Tottest dinari imboladu.
Chi est in...

Deus de totu si occupat,
E facilmente s'atediat
Cando unu male rimediat
Cando duos nde isvilupat,
A chie una via tupa
A chie un'istrada aberit,
Su malu colpat e ferit
Su chi est giustu est premiadu.
Chi est in...

Isse chin tottu impiegar
Misura ch'at giustu mediu,
A chie grassias cuntzedit
Si digne nd'est chi lu pregat,
A chie poi la negat
Si no insultat avvisos,
Cando males improvvisos
Cando dolore istentadu...
Chi est in...

Devimus de tzertu ischire
E tenner fissu in sos coros,
A sa destra at sos tesoros
Sos bonos pro favore, e
A sinistra ite punire
Sos malos e castigare,
E noll'est dende a proare
Oe e in tempus passadu.
Chi est in...

Ardu pro penas aggrandas
Peste, fame e guerra,
Ch'infetta est finas sa terra
De sas maladies tantas,
No allatat sas plantas
Non dan fruttos non produid,
E donzi cosa reduid
A unu niseru istadu.
Chi est in...

Males noos isviluppados
Cantos chentza sos antigos,
E totu sunu castigos
Dae su chelu mandados,

Pro sas culpas e peccados
Chi solirnis cummittire,
Su diversu attribuire
Est pensamentu isbagliadu.
Chi est in...

Pro cantu male si faghet
E tantu ingiustu operare,
Non podet mai mancare
Chi Deus non si nde paghet
Finas a isse dispiaghet,
Cando sos malos castigat
Ma sa giustiscia lu obligat,
Comente innanti amus nadu.
Chi est in...

Cunforma a fijos ingratos,
Amus sa mercede e paga,
B'ada un'attera piaga
Ch'est cudda e sos riccatos,
No sendebi assuefattos
Est unu frazellu nou,
Chi profitare 'e su sou
Cuddu e-i custu est privadu.
Chi est in...

Cumbinchidos e iscultados
Chi lo lasse totu creu,
Ca chena lu narrer 'eo
Contan sos fattos lampantes
Bascia zente e ben'istantes,
Artistas e impreados
E totu su restu dados
Sunu a s'ingannu est proadu.
Chi est in...

No sunu fintas figuras
Nen faltzas custas notiscias,
Sas frodes sa ingiustiscias
Sos delittos e usuras,
No gridana a boghes duras
Che trumbas fattas ch'in arte,
Su mundu est da onzi parte
De ingannos invasadu.
Chi est in...

Lu mustrana e non b'at dudas
Sos tempos intrancuillos
Custu opprimet sos pupillos,
Cuddu aggravat sas fiudas
Cuddu traighet che Giudas,
Cuddu che Pedru ispergiurat
Cuddu istamat e murmurat
Cuddu est ladru abituadu

Chi est in...

Non balet chi plus nere,
Bastan sas isperientzias,
Inoghe sas prepotentzias
Cue abusos de podere,
Corno infidele muzere
Tando incostante maridu,
Custu amigu traighidu,
Cuddu parente affaltzadu.
Chi est in...

Non podene esser negados
Sos fattos cando sun bidos,
Padronos male servidos
Servidores non pagados,
Sacramentos profanados
Matrimonios traitos
Impiegos male gitos
Cultu a Deus dinnegadu.
Chi est in...

In donzi logu incontrades
Imbroglios de cussientzias
Corno chin sas miscredentzias,
Corno chin impuridades
Corno chin disamistades
Corno odios e rancores,
Como falzos sedutores
Corno un'idulu adoradu.
Chi est in...

Si girades sas pias
iscandalos osservades,
Si in s'ecclisia intrades,
Bidides chi 'enin fattas
Funtziones inesattas,
Bigotismu e monopolios
Ipocritas in sos solios
In postu non meritadu.
Chi est in...

Non bastan sas fortzas mias
Darelos totu notados,
Ateros sunu occupados
In isparghere eresias,
Cales in sas sodomias
E brutales piagheres,
Costituendesì meres
De ogni fisciù abbratzadu.
Chi est in...

In totu sas culpas reos
Si vive chentza riselvos,

Peccan custos e supelvos
Paren tantos fariseos,
Cuddos sunu Epicureos
Chin sa 'entre umana ebbia,
Cuddos faghen cumpagnia
A sos chi ana apostatadu.
Chi est in...

Non si podet esplicare
Totu in simpres poesias,
Tantos crene in sas magias,
De faghene e iscontzare,
Medas solini leare
Summas pro las dare isoltas,
E semper e tottu sas boltas
Cussu est dinari furadu.
Chi est in...

Che truncu e guasta nae
Dat fruttu frazzigu e acconnos,
Ateros crene in sos sonnos
E in cantigos de ae,
Donzi ispetzia de piaie
In sas'animas s'imprimidi,
E nudda est cantu s'esprimidi
In cunfrontu a su cagliadu.
Chi est in...

Gesummaria ite mundu
Totu ingannu e totu errores,
Mannos siana o minores
Brinca saltian'a tundu,
E ruende in su profundu
In s'errore e pretzipiziu
Unu mediu propitziu,
Pro nd'essire no est chircadu.
Chi est in...

O Deus cantu lassades
Faghene, e totu suffrides,
Da onzi parte 'idides
Mostros d'iniquidades,
De totu sas calidades
Pessimos insidiosos,
Cantu nd'appat orrorosos
Totu s'inferru inventadu.
Chi est in...

Segnore e cantu fatezis
Pro nois de gratitudine,
A bostra similitudine
S'omine in terra formezis,
E pustis chi lu dottezis
De un'anima immortale,

A Luciferu uguale
S'est a bois ribelladu.
Chi est in...

Deus chi annientare,
Podides totu e distruere,
Unu punzu de piure
Podersi a tantu azzardare,
Est mai de cumparare
Su niente a s'infinitu,
Ma s'inelinu maleitu
Ada a totu allucinadu.
Chi est in...

Pro bos amare Signore,
E servire diligentes,
No bastat a sos presentes
Su esser dignu amore,
Nen de s'inferru tirnore
Nen perdita de su chelu,
Ca a totu un'oscuro velu
Su demoniu at bettadu.
Chi est in...

Babbu totu piedade
Fizu mortu in una rughe,
Rajos de divina lughe
Dae su chelu mandade,
Ispiritu Santu dade
A totu sos bostros donos,
Chi dae malos in bonos
Diventemus chin coidadu.
Chi est in...

Padre eternu poderosu
Sapientzia increada,
Divinidade oltraggiada
Ente Supremu amorosu,
Unu attu prodigiosu
De sa grassia infinita,
Torret in via dritta
Su miseru traviadu.
Chi est in...

Deus unu pro essentzia
Trinu e pius che perfettu,
Si no mustrades s'effettu
De sa ostra onnipotentzia,
Custa umana discendentzia
Tota est andende in ruina,
Sende un'epoca mischina
E tempus disgraziadu.
Chi est in...

Deus de amore dignu
Canta contrariedade,
Bois totu bonidade
Nois donzunu malignu,
Votu leadu a impignu
Paret oe a fagher male,
Ch'amus totu in generale
Chin satana lega formadu.
Chi est in...

Devo congruire nende
Chin sentimento e dolore,
Fide, onestade e amore
Chi mancat semus bidende,
Sos imbroglios caminende
Sunu a passos de gigante,
Dae ponente a levante
S'ingannu s'est propagadu.
Chi est in...

Finis: sighire a chircare
Sa pessima vida nostra,
De sa passentzia 'ostra
Tiat essere abusare,
Cumbenit tando accabare
Preghendebos urnilmente,
Si apo cantadu imprudente
Chi pota 'ennere iscujadu.
Chi est in s'iscogliu intradu
Chie ruet in s'iscogliu,
Su mundu est totu un'imbrogliu.